



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.238



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.238




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.238




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CINAOL 2.3.238


2.3.238















intestate here sprang
offi. near bone.

28. 2. 5.

2. 3. 238.

2P₃





974
XXVIII

PINGO

1371



PHILIBERTI
PINGONII
SABAVDI.
CVSIACEN. BARONIS.



AVGVSTÆ TAVRINORVM,
Apud hæredes Nicolai Beuilaquæ. 1581.
Cum Privilegio decennali.

PHILIBERTI
PINGONI
SABAVDI
CASSACEN. R. LOMBE.



APOTHECAE TABERNACULI
A. B. C. D. E. F. G. H. I. J. K. L. M. N. O. P. Q. R. S. T. U. V. W. X. Y. Z.

ILLVSTRIBVS,
ET REVERENDISS.
FRANCISCO, ET PETRO
LAMBERTIS, FRATRIBVS,
NICIEN. ET MAURIANEN. EPISCOPIS.
PHILIB.
PINGONIVS.
S. D.



VM ab ineunte atate obseruare
vos cœperim, Amplissimi viri,
admirariq; magis ac magis nun-
quam desierim virtutem quæ in
uobis est, virtutiq; obsequentem
fortunam, cuius ipsi uobis fabri
fuistis, uolui tandem animi mei
testimonium aliquot exhibere, Ut si quam de me opinio-
nem concepistis, nunc exploratò qualem me uobis præ-
stare cupiam, omnes uobiscum simul intelligant. Nuper
Serenissimus Dux noster EMANVEL PHILIBERTVS cum
Cardinalem Boromæum, uirum admirandæ sanctimo-
niæ Taurini excepisset, & SINDONEM Sacrosanctam spe-
ctandam proposuisset, imperauit, siquid ea de re comper-
tum haberem ex tabularum sanctuario, & ueteribus
monumentis, id de tam precioso thesauro, in medium
proferrem. Perquisiui diligenter omnia, & in unum
quasi uolumen conieci, argumento ex memorabili illo,
ac pio Boromæi uoto ad inuifendam SINDONEM du-

eto. Sed cui SINDONIS hunc meum libellum donem?
dum cogito; non ipsi Duxi Maximo donare consilium
fuit, qui prothotypo ipso beatissimus fruitur: Non item
Cardinali grauiſſimo, qui ſemetipſum abijciens, de ſe
dicta ſolet reſpuere. Vos occurriftis p̄ fratres, eo nati
patre Philiberto Lamberto Patricio Camberienſi, cu-
ius forti pietate, me puero preſente, olim è medijs flam-
mis inuiolata SINDON mirifice erepta eſt, ut hic ſuo
loco expreſſimus, et in historijs fuſius proſequemur. Quod
igitur pater, auſpice Deo in ipſa re potuit, uos digni
patre filij, in eius repreſentatione per orbem terrarum
propalanda, clariſſimis nominibus ueſtris, ueluti gemi-
narum alarum remigio præſtabitis, nec me humi repe-
re, aut ab æmulis calcari, ueſtra autoritate & benigni-
tate permittetis. Valete. Ex Auguſta Taurinorum,
Calend. Ianuarij. M D LXXIX.

HERCVLIS PANCIROLII RHEGIENSIS.


COrporis amplexu CHRISTI digniſſima SINDON,
Qua nihil in toto clariuſ orbe niter.
Linum Arabum ſuperas, medijs quod in ignibus ardeſ,
Non perit, at cultu ſplendidiore redit.
Tu flammis correpta manes illaſa, refersq̃
Effigiem, qua nil gratius eſſe poteſt.


TYPOGRAPHVS

AD LECTOREM.



RGVMENTVM *vetus, & venerandum, opus nouum, & reconditum tibi profero. Vti Pingonius noster Baro, antiqua quæq; scrutari solet, renouareque studet. Is nihil nisi a rubiginosis numismatibus, aut marorum fragmentis, aut abstrusis, situq; plenis chartulis, obfirmatis tamen, atq; ex fide publica adfert in medium. Testes antiquitatum libri; immense historiae. Leges XII. tabularum suscitatae, & alia innumera, quæ dies noctes congerit: Quæ vidimus, optamus, nec exorare possumus adhuc, ut nobis adenda committat. Idud interea magna contentione, & Serenissimi Ducis Imperio, extorsimus. Additi sunt eius argumenti hymni aliquot, siue Ode, & epigrammata doctissimorum virorum. Adiunximus item Bullam insignem illam Iulij Secundi Pont. Max. quam ex authentico desumere licuit. Inserta est quoq; celebris Boromæi illius Cardinalis peregrinatio, a Francisco Adorno societatis IESV, singularis pietatis viro conscripta, uno fere tempore, quo è re nata describebat Baro, & licet diuersis in locis, uno sensu, una consonantia: Adeo ut nihil congruentius, nihil admirabilius siue conspici: siue concipi possit. Quod laudatissimum, laudare meum non sit: meum potius sit, rogare te, Humanissime Lector, errata, quæ occurrent, humane imbecillitati tribuas, quæ nihil in rebus nostris perfectum patitur. Nec in nouo opere, vlla diligentia, cuncta sic ad ungem, uti manu scripta sunt, typis reddi queunt, effluunt literule, folijs Sibyllinis non absimiles, et plerunq; eorum opera uti cogimur, qui literas non callent. Imo uerò autores ipsi quantumuis oculati, sapius in suis legendis cæcutire fatentur. Vnde accidit in secundis, et tertijs editionibus, fortunatiorem nostram euadere diligentiam. Vbiq; tamen sinceritatem integritatemq; profitemur. Vale quando nostra boni consolueris.*






CAVTVM EST
PRINCIPALI
DIPLOMATE
NE QVISQVAM PHILIB.
PINGONII CVSACENSIVM
BARONIS LIBROS, IMPVNE
CVDAT. AVT DISTRAHAT
INTRA DECENNIVM. PRAE-
TERQVAM CUI AVTOR
DEMANDARIT.

M. D LXXXI.



PACIFICVS, VICTOR, LOCVPLES;
FOVET, ORNAT, ADAVGET:
SCEPTRA, DVCES, ORBEM;
SINDONE, TORQVE, CRVCE.







UT OESAVRIANI CUI SALUTE DERENT EIUS ET FORMA QVA INTER HOMINES VERSARI DIGNATVS E AGNOSCEMENT SANCTA SINDONEM QVA QVOTANIS IVNON MAI CAMBERI
QVA SABAVDORVM METROPOLIS EST PVBLICE VENERADA PROPONITVR ILLVSTRIVM ET REVERENDISS FR LAMBERTI EP NICIEN PETRI LAMBERTI EP MAVRIANEN
DECANI SABAVD AVSPICIIS CAROLVS MALLIANVS ARCHID BELLICEN EOR SOR F AENEIS FORMIS EXPRIM CVRAVIT ROMA KL IANCD 15 LXXXIX










PHILIBERTI
PINGONII

SABAUDI.

SINDON EVANGELICA.



ABORATVM est graui pestilentia annis superioribus, per maiorem Italiae partem: Mediolano maximè malè cessit: peiusq; timèdum fuerat, nisi tot, tantis populis, tantè, tamq; amplæ ciuitati fauissent Superi, & à Superis demissus CAROLVS BOROMEVS tituli sanctæ Praxedis Cardinalis, & regionis Archiepiscopus vigilantissimus opem sedulam tulisset. Is opibus, quibus abundat, egentes leuare, præsentia sua, morbo implicitos confirmare, oratione, qua pollet, & re ipsa, languentes passim erigere, Diuino etiam cibo reficere, nihil contagionis, aut periculi deuitare, nihil humile, aut minimum detrectare: quantum animo conniti, officio, & labore contendere posset, id omne æqua omnium & vna salutis ratione exponere. Cumq; vetus fama inoleuisset, Camberij Sabaudorum Emporio, Sacro-sanctam Sindonem religiosissime asseruari, ad quam nulli frustra aduersis temporibus confugissent: ille quoq; , vt vir eximie religiosus, ac pius, ad ea vota confugit, & eò, pedes accedere, supplexq; ibi numen implorare, & venerari proposuit. Quam rem, vbi Dux Emanuel Philibertus intellexit, non mo-

A

do

do excipiendi tanti viri, sed etiam minuendi longi itineris, vel iniecto ipsis Transalpinis populis summo spectandæ Sindonis desiderio cogitationem suscepit. Itaque quamprimum Camberio, Taurinum aduehi Sindonem paucis arbitris (quasi aliud agens, uti ferunt tempora) mandat, Comitante viro grauisimo Ludouico Millieto Fabricarum Barone, Sabaudi Senatus summo Præside, qui paulo ante, ad foedus Helueticum ferendum solenniter à Duce ascitus fuerat.

Tunc forte Dux in Lucenti Castellum ad primum ab vrbe Taurina lapidem, secesserat, qui ad se primò allatam Sindonem magna cum veneratione prostratus excepit. Hoc Nonis Septembris, anni huius seculi LXXVIII: atq; ad XVIII. Calend. Octobres Taurinum adducere distulit. Quo die exaltationi Crucis sacro, nihil ad pietatis cæremônias prætermisum fuit. Namq; Taurinensis Archiepiscopus HIERONIMVS RVERIVS, LVDOVICVS GRIMALDVS, Venciensis, FERDINANDVS FERRERIVS Eporediensis, DOMINICVS RVERVS Astensis, CAESAR GROMIVS Augustensis, Episcopi, vestitu Pontificio, thyraq; redimiti, velut alteram arcam fæderis, eam, qua Sindon includebatur, thesauri impositam comportabant, veluti stolis, institisq; pendentibus. Circum verò quatuor ciuitatis procures explicatum cadurcum sublime sustinebant, spectata longo ordine Sacerdotum præcentione; Hos sequebantur Dux; Ducisq; filius CAROLVS EMANVEL Pedemontium Princeps, & aliquot sanguinis Principes, Apostolico simul Nuncio, OCTAVIO Sanctacrucio, Episcopo Ceruensi, Et Oratore Veneto MATHEO ZANEO ipsi Duci astantibus, magna nobilitatis, & populorum serie insequente: qui obsecrabundi omnes, à Palatina porta, per ornatas tapetibus vias, in Diui LAVRENTII ædem, preciosas salutis humanæ reliquias deduxerunt, & in delubro repositas solenni præcatione ab Archipresule facta, ut salubriter

briter, vt prosperè, ac fèliciter rei Christianę omnia succederent, effusi omnes, omnibus læticijs, vtroq; genu procumbentes, æquè sunt venerati. Denunciata mox ea re, incredibile est dictu quot hominum millia in hunc locum spectandi tanti miraculi gratia, concurrerunt. Heluetijs Oratoribus, Lucernensi inquàm, Vraniensi, Suitensi, Vnderualdensi, Tugienfi, Friburgensiq; , admiranda religione perfusi sunt animi, quando seorsum 111. Cal. Oct. post fœdus anteriore die cum Duce ietum, Sindonem suspicere impetrarunt: omne profectò Catholicę, Romanęq; Religionis specimen ediderunt. Interea Boromeus, pedestri itinere aduentare fertur, selectis secum aliquot insigni sanctitate viris, quorum hæc sunt nomina.

Io. Franciscus Bonhomeus Episcopus Vercellensis.

Franciscus Adornius societatis I E S V.

Iacobus à Cruce eiusdem societatis.

Io. Petrus Stoppanus Seminarij Mediolanen.

Franciscus Bernardinus Cribellus Canonicus Metrop. Med.

Octavianus Ferrerius Canonicus Mediol.

Io. Baptista Caimus Canonicus Mediol.

Ludouicus Moneta presbiter.

Antonius Seneca I. C.

N. Castanus I. C.

Camillus Castellanus I. C.

Hercules N. notarius.

Iulius Homatus.

Iulius Brunetus.

Ambrosius Buimius Magist. Cremon.

Et Franciscus Linus Sabaudia Ducis à secretis, ad deductionem destinatus.

Cardinalis verò ita sibi, & suis omnibus toto eo itinere, horas singulas distribuerat. Hora saltem x i. euigilandum; exsurgendum, contemplationi, orationi, præparationi studendum

A 2 dum

dum. x i i. ad rem Diuinam, & communionem singulis diebus incumbendum: quo facto, matutinum iter quanto citius carpendum: itineris comites sint meditationes sacrę, tum alternis vocibus psalmi, hymniq; recitentur, de rebus deniq; diuinis colloquia misceantur. Horam xviii. cibo dari voluit, si ad hospitium peruenisse daretur, Numine prius in vici, vel municipij templo salutato, post sobrię curatum corpus, ad animi dapes redeundum esse; hymni, psalmiq; decantandi, subsequenter pijs sermonibus. Hora xx. cępta via prosequenda, septem psalmi pœnitentis Dauidis vtrò citroq; repetendi. Hora xxii. obsecrationibus singuli vacabunt, donec in hospitium peruenerint, adito imprimis templo, gratijsq; Deo peractis; ad psalmorum inde statos numeros se conuertant, donec pensum diurnę seruitutis Deo persoluerint. Hora noctis secunda semis, ad cœnam se conferant, qua frugaliter sumpta, hymnoq; dicto, ad semetipsum quisq; cogitabundus redibit, vt si quam labem ea die contraxerit, examine diluat, & pœnitentia. Ad extremum, benignę quisque à Cardinalis manu dimissus, ad quietem hora ad minimum quarta se conferet, vt à vegetioribus resumatur subsequenter diei labor.

Hęc fuit i i i i. dierum memoranda peregrinatio, vt alia sanctimonię argumenta præteream; illud maximè, quo apparatus opiparos fugiebat Oppidorum: Quale illud Clauaij; atq; in Syluam potius, locaq; deserta diuertebat, & humi secum accumbere frequentiam hominum (qui eum vel inuitum sequebantur) iubebat, & vtroq; cibo, intus, & extra veram CHRISTI imitatione pascebat. Sed memorandus magis, admirandi illius viri fuit in urbem ingressus, v i i. Id. Octob. Dux ipse & Princeps, magnatesq; quotquot aderant, ei obuiam longè processerunt, pedibusq; simul ingressi in ædem D. Io. Baptistę Metropolitanam primum, deinde ad D. Laurentij templum deduxerunt. Videre erat videntes binos, fusco
amicos

amictos pallio, scipioni innixos, macilenta facie, abrafa barba, demissis oculis, aut quandoq; in cœlum erectis, mulsitantes, & mixta interdum suspiria trahentes, nihil mortalis præ corpore, Diuinitatem ipsam toto pectore spirantes.

Nouissimus aderat Cardinalis, ad Ducis dexteram, humanitate ipsa humanior, vel ipso vultu liberali, licet pallido, sanctimoniam omnem præferens. Ad templum vbi peruentum est, & in edito sanctuario spectata Sindonis arca, quas preces vir ille fuderit, quæ vota soluerit, esto Superum nouisse, non meum vt ipse explicem. Sequenti die ad Diui Ioannis proximum fanum delata est Sindon, quæ Cardinali, suisq; spectanda exhibetur; nouem sustentantibus Episcopis. Eadem postridie frequenti populo ad arcis amplissimam aream magno cum apparatu bis proposita est. Hi, qui Præsulum aduenerant, munus illud assidue peregerunt.

Ipse Boromeus Cardinalis.

Guydo Ferrerus sanctorum Viti, & Modesti Cardinalis Vercellensis.

Octavius Sancta Crucius Episcopus Ceruien. Nuncius Apost.

Hyeronymus Ruuerius Archiepiscopus Taurinen.

Iosephus Parpalia Archiepiscopus Tarentasien.

Ludouicus Grimaldus Ventiensis Episcopus.

Hyppolytus Rubeus Papiensis Episc.

Io. Franciscus Bonhomius Vercellensis Episc.

Cæsar Gromius Augustensis Episc.

Cæsar Ferrerius Sauonensis Episc.

Io. Maria Taparellus Salutiensis Episc.

At vir ille maximus, quodam Diuino ardore magis ac magis inflammatus, tale spectaculum concelebrare iugi quadraginta horarum oratione cogitauit; quod eo horarum numero CHRISTVS intra triduum sepulchro recubuerit, & quadregesimo à resurrectione die, ad Cælum ascenderit. Theatrum

erigi

erigi curauerat Dux, adlaborante Archiepiscopo, in eam rem commodissimum, nec minus insigne, in æde D. Ioã. Baptistæ, sublimiore facie. Ara ibi conopæo, velarijs, & splendidis aulæis ornata assurgebat, Aræ, venerabilis arca superiminebat, reconditum illum thesaurum continens. Circum suffitus odoriferi, faces, & lampades innumeræ, in varias lineas, & speciosam seriem dispositæ, maiestatem quandam eminus representabant, & ex ipsa augusta specie, cunctorum vndiq; animi accendebantur. Accedebant Phœnascorum modulamina, & dulces, proprij; puerorum soni, à quibus vox quæsi Angelica ex adytis prodire sentiebatur. Accurrebant piarum societatum chori, per singulas horas, singulî, insistebantq; precationibus die, noctuque, nec prius desistebant, quin aduenientem alium cœtum in locum substituerent. Ad Sanctuariū verò, aut ipse Dux sæpius, filiusq; Princeps, & ex patruele fratre Iacobo Duce Nemorosij, nepos Carolus Princeps Gebenesij inuigilabant, aut torquati supremi ordinis equites (quos Annunciata vocant) Amedeus à Sabaudia Sanramberti Marchio, Philippus, & Claudius à Sabaudia fratres Raconsij & Pancalerij reguli, Philippus Atestinus Burgomanerij Marchio, Andreas Prouāna Lēniacus Frusasci comes, Federicus Ferrerius Casauallonus Romagnani marchio, Thomas Isuardus Simfredi Comes, Franciscus Martinengus Malpage Comes, Aeneas Pius à Sabaudia Sassoli regulus. Mauritanii quoq; Lazareij; equites subrubris togis amicti, virenti candidaq; cruce insigniti, diurnas, nocturnasq; vigilijs, suo quisq; tempore, in ipso Sanctuario, bini aliquando, aut quaterni obierunt. Ceremonijs præerat Io. Baptista Viallius Calcanæus Prothonotarius, vir si quis alter, accuratę diligentię. Equitum nec filere decet nomina, præter eos supremi fodaliciij, qui hac etiam Mauritianæ religionis ac militia cum Duce præfulgent.

Asca-

Ascanius Bobba.	Ambrosius Arcator.
Sylla Rotarius.	Octavius Scalingius.
Carolus Prouanna.	Iosephus Benati.
Ant. Georgius Prouanna.	Iulius de Costis.
Franciscus Cappin.	Petrus Torta.
Vianesius Albergatus.	Franciscus de Lalex.
Flaminius Auogadrus.	Prosper Carretus.
Gaspar Aschierus.	Carus Saminiatus.
Ludouicus Godius.	Carolus Emanuel Pingonius, fil.
Ludouicus Batianus.	Andreas Ferrerus.
Bonifacius Ofegne Comes.	Io. Baptista Saminiatus.
Christoforus Talicarneus.	Alexander Doria.
Paulinus Mamfredus.	Andreas Canalius.
Pompilius Bencius.	Philibertus Bobba.
Sancius Salinas.	Franciscus Daerius.
Ferdinandus Scalia.	Franciscus Vaucus.
Stephanns à Burgo.	Marcus Nazarus.
Federicus Morandus.	Bartholomeus Capø.
Paulus Crassus.	Petrus Maria Auogadrus.
Federicus Agabitus.	Paulus Lofa.
Annibal Rauoria.	Antonius Verna.
Carolus Franciscus à Lucerna.	Titio Camilla.
Gaspar Purpuratus.	Io. Baptista Scotia.
Alexander Pelleta.	Io. Baptista Craueta.
Gonzalus Salinas.	Ascanius Mocetus.
Alexander Viualda.	
Gulielmus Vialardus.	

Porro interpositis post horæ spacium precationibus, meditationibusq; è suggestu prodibant verbi Diuini oratores grauißimi, qui sumpto mortis CHRISTI, & Sindonis, & sepulchri argumento, confessu frequentissimo, cui supplere vox nequibat,

quibat, nunquàm satis dixisse poterant, vel templi lapides, & fornices mouebant, lamentis & planctibus omnia miscebant: nullus non iam resipiscere apud se constituerat, vtinam ita perseverare omnibus eueniat. Hi fuere sacri concionatores, siue Ecclesiastes.

Cardinalis Boromeus, qui ter concionatus est.

Cardinalis Ferrerus, semel.

Hieronymus Ruuerius Archiepisc. Taurinen. ter.

Iosephus Parpalia Archiepisc. Taren. semel.

Ludouicus Grimaldus Venciensis, semel.

Io. Maria Taparellus Saluciensis, semel.

Io. Franciscus Bonhomius Vercellensis, semel.

Cæsar Gromius Augustensis, semel.

Cæsar Ferrerius Sauonensis, semel.

Franciscus Adornius Prouincialis societatis Iesu, quater.

Ambrosius Barbauarius Dominicanus Theologus, semel.

Petrus Christinus Theologus & sacerdos diui Mauritiij, & Lazari, bis.

Annibal Sancius Vrbinas Franciscanus Mediolanensis regens Theologus, bis.

Io. Baptista Caimus Canonicus Mediolanen. semel.

Iacobinus Meliarinus Canonicus Taurinen. semel.

Iacobus à Cruce Iesuista, bis.

Lælius Bisolus Iesuista, semel.

Io. Antonius Crassus Iesuista, bis.

Dominicus Mediolanensis Dominicanus, ter.

Bernardinus Ruffinatus Dominicanus, bis.

Antoninus Germonus Dominicanus, semel.

Io. Senensis Franciscanus, ter.

Paulus Camaldulensis Belga, semel.

Laurentius Mittanda Cuneas, bis.

Atq;

Atq; ita perpulchrè pieq; , Taurini, raro exemplo, quadraginta conciones habitæ sunt, & quadraginta horæ exactæ, 111. Idus Octobris. Neq; hominum memoria, frequentiores populi huc affluerunt, neq; religionis vis maior apparere potuit: ipso Cardinali teste, qui postridie hinc æquius admodum, ac iucundius expleto animi desiderio discedens, nunq̃ satis sacram Sindonem extollebat, has Ducis diuitias commendabat, & patriæ felicitàti bene præcabatur.

Sed quorsum hæc tanta (inquiunt aliquis) ad huiusce Sindonis commendationem? quasi vero nescias, quot & quibus calumnijs eam ex aduerso incessant maleuoli homines, quibus sæcula nostra abundant. Non esse hanc inquiunt Euangelicam Christi Sindonem, quin ex ipsa Euangelij historia, oppositum potius constare. Quorum aded importunis latratibus, nisi occurratur, frustrà tot hominum religionem ad eam inuisendam, vndiq; concurrentium à nobis iactari. Agedum eorum nugas veluti ridicula quædam histrionum figmenta pijs, & eruditjs viris floccifacienda monstremus: tamq; abesse, vt sacra Euangeliorum lectio contra hanc sacram Sindonem pugnet, vt confirmet potius, atq; consolidet. Itaq; eorum Achillem iam audire præstat. Aiunt à B. Ioanne, *Christum Lintheis ligatum cum aromatibus sepultum fuisse sicut mos est Iudeis sepelire*. Qui mos, ab eodem Ioanne in Lazari tumulo aperitur, his verbis. *Et statim prodijt qui fuerat mortuus, ligatus manus, & pedes, institis; sine fascijs sepulchralibus. Et facies illius Sudario erat ligata*: De CHRISTO item sic ait. *Vidit lintheamina posita, & Sudarium quod fuerat super caput eius non cum lintheaminibus positum, sed separatim inuolutum in unum locum*. Si igitur Iudæorum ritu sepultus est, qui Aegyptios quamproximè imitabantur (apud quos tot annos vixerant) vt scilicet primum ablueretur cadauer, aromatibus condiretur, ligaretur fascijs, siue panniculis, aut infectis loris, quæ τὰ ὀνόματα dicuntur. Idq; per manus & pedes, ceterosq; artus,

B excepto

In Ioanē
Caluinū
& hereti
cos asse-
clas.
Io. 19. c.
Ioan. 11.
Ioan. 20.
Genesis
c. 50.
Corneli-
us Taci-
tus libro
21.
Herodo-
tus l. 2.
Euterpe.
Iosephus
de bello
Iudaico.

- excepto capite, quod sudario tantum obtegebant, cum fasciis obuinciri commodè non posset, quàm potuit Sindon ex eo more applicari? aut si iam pollincto, & exornato corpori superiniecta est, has neutiq; humani corporis impressas notas retinere potuit, tum propter fascias illas intermedias, tum propter sudarium capiti circumiectum. At viderint illi perspicacius quid Mathæus Euangelij scriptor clarissimus, post Crucis supplicij descriptionem, de Sindone loquatur, his verbis, quæ exscribere non pigeat, Et dum illi legent, quid simus respondi animaduertamus. *Cum autem sero factum esset, venit quidam homo diues ab Arimathea, nomine Ioseph, qui & ipse discipulus erat IESU hic accessit ad Pilatum, & petijt corpus IESU, tunc Pilatus iussit corpus reddi, & accepto corpore Ioseph inuoluit illud sindone munda, & posuit illud in monumento suo nouo, quod exciderat in petra, & aduoluit saxum magnum ad ostium monumenti, & abiit. Et quæ sequuntur Cum Mathæo, Marcus conuenit, in hæc verba. Et cum iam sero factum esset, quia erat Parasceue, quod est ante Sabbatum, venit Ioseph ab Arimathea, nobilis Decurio, qui & ipse expectans regnum Dei, & audacter introiuit ad Pilatum, & petijt corpus IESU: Pilatus autem mirabatur, si iam obijisset, & accersito Centurione, interrogauit eum, si iam mortuus esset, & cum cognouisset à Centurione, donauit corpus ipsi Ioseph. Ioseph autem mercatus Sindonem, & deponens, eum inuoluit Sindone, & posuit eum in monumento, quod erat excisum de petra; & aduoluit lapidem ad ostium monumenti. Lucas verò sic ait. Et ecce vir nomine Ioseph, qui erat Decurio vir bonus, & iustus qui expectabat & ipse regnum Dei: Hic accessit ad Pilatum & petijt corpus IESU, & depositum inuoluit Sindone, & posuit eum in monumento exciso, in quo nondum quisquam positus fuerat. Paulo post sequitur. Petrus autem surgens cucurrit ad monumentum, & procumbens, vidit linteamina sola posita, & abiit, secum mirans, quod factum fuerat. Ioannes verò distinctius persequitur. Post hæc autem rogauit Pilatum Ioseph ab Arimathea (eo quod esset discipulus IESU, occultus*
- Mat. 27. cap.
- Mathei. 15.
- Luc. 23.
- Luc. 24.
- Ioan. 19.

occultus autem propter metum Iudeorum) ut tolleretur corpus IESU, & permisit Pilatus. Venit ergo, & tulit corpus IESU. Venit autem Nicodemus, qui venerat ad IESUM nocte priorem, ferens mixturam Myrrhæ, et Aloes, quasi libras centum: acceperunt autem corpus IESU, & ligauerunt illud linteis, cum aromatibus, sicut mos est Iudeis sepelire. Paulo post subiungit. Exiit ergo Petrus, & ille alius discipulus, ^{Io. m. 28.} & venerunt ad monumentum: currebant autem duo simul, & ille alius discipulus (de se Ioannes loquitur) praeurrit citius Petro, & venit primus ad monumentum, & cum se inclinasset, vidit posita linteamina, non tamen introiit. Venit ergo Simon Petrus, sequens eum, & introiit in monumentum, & vidit linteamina posita, & Sudarium quod fuerat super caput eius, non cum linteaminibus positum, sed separatim inuolutum in unum locum. Hæc sanè omnium ex quatuor Evangelicæ veritatis architectis: quæ (ni fallor) viam nobis latissimam aperiunt ad sciolorum, atq; impiorum friuolas obiectiones euertendas. Nunquid enim non conueniat (ne rem longius arcessamus, & sacra sacris potius intexamus) CHRISTVM mortuum, duos nobilissimos habuisse pollinctores, vnum Iosephum Arimathensem Decurionem, assiduum, siue diuitem; Alterum Nicodemum, itidem virum pium: emptamq; à Iosepho Sindonem mundam, à Nicodemo aromata, Aloes & Myrræ: Sindonem, ut depositus de Cruce CHRISTVS illico tegeretur, inuolueretur, honestè exciperetur: donec de sepultura & apparatu prospectum esset, & inuolutus in monumentum deferretur: Aromata autem ut postquam delatus esset in hortum, ad fores monumenti, ritè lauari, inungi, linteis, siue ligaminibus, aut fascijs, quæ ^{ibid.} iam diximus, obligari posset. Atq; ita vtrunq; subsistet, & Sindonis veritas, & sepulture ritus. Neq; certè pollinctura eo loci, satis commodè, aut honestè ab officiosissimis viris peragi potuit, neq; satis tutè, cum maximè Iosephus dicatur à Ioanne occultus fuisse CHRISTI discipulus, propter metum Iudeorum. Igitur di-

stinctè vt dicamus, hunc sepulturæ apparatus, hoc ordine rectè exposuerimus: vt Ioseph primò corpus I E S V è Cruce receperit: Secundò receptum hac Sindone inuoluerit, seu contexerit potius: Tertiò ad ostium monumèti delatum, vnguentisq; delibutum, alijs linteis ad hoc ipsum paratis circumuoluerit, sicq; ligatum atque inunctum patriæ more sepulchro condiderit. Quis enim verosimilimum non dicat, Iosephum non aliter mundam Sindonem mercatum fuisse, quam vt Sacrosanctum corpus de Cruce depositum, statim exciperet, totumq; à capite ad pedes, ad decorem & reuerentiam obnuberet? Quare rem sic se habuisse dixerimus. Sindonem hanc pedes circiter x i i. longam, tres latam, & eo amplius, stratum, extensamq; primùm humi, aut in appparata tabula fuisse, tum de Cruce refixum, deductumq; medio linteo ad tabulam, superimpositum, deinde Sindonem reliquam, à capite ad calcès reiectam, & toti corpori accommodatam, atque ita elatum, & in monumento positum. Inde facilè contigit, vt corpus flagris, sentibus, plagisq; acerbissimis recens faucium, eductis clauis, cruore fluens, tabo, sudoreq; madens, refrictis ex agitatione corporis vulneribus, ex vuido intinxerit, singula impresserit, & ipsammet formam in Sindone representauerit, concurrentibus circa medium linteum verticibus, complicatis manibus, & pedibus ad vtramq; oram hinc inde protensis, vnde auersi, & aduersi hominis adumbratam effigiem, & integram symmetriam, quasi quibusdam descriptis de lineamentis deprehendas, præsertim si ex obliquo captato figuræ lumine, remotis facibus intueare: vt videre est, non modo contemplari: argumento ab effectu, & re ipsa validissimo. Et profectò agnoscuntur quæ veteres Theologi de C H R I S T I effigie monumentis tradiderunt. Hæc Nicephori Calisti antiquissimi Græci verba sunt.

Nicepho-
rus lib. i.
cap. 40.

Egregio is viuideq; vultu fuit, Corporis statura ad palmos prorsus

sus septem, Casariam habuit subflauam, ac non admodum densam, leuiter quodammodo ad crispas declinantem, Supercilia nigra, non perinde inflexa, Ex oculis subflauescens mirifica proueniebat gratia, Acres ij erant, & nasus longior, barba pilus flauus, nec admodum demissus, Capitis porro capillos tulit prolixiores, nouacula enim in caput eius non ascendit, neq; manus aliqua hominis, præterquam matris in tenera duntaxat ætate. Eius collum fuit sensim declinans, ita ut non arduo & extento nimium corporis statu esset. Porro tritici referens colorem, non rotundam, aut acutam habuit faciem, sed qualis matris eius erat, paulum deorsum versus vergentem, ac modicè rubicundam: grauitatem atq; prudentiam cum benignitate coniunctam, placabilitatem iracundiæ expertem præferentem; Persimilis denique per omnia fuit Diuinæ & immaculatæ suæ genitrici. Hactenus Nicephorus: Qui lentuli Romani in Iudæa magistratum gerentis epistolam ad Senatum imitatus videtur, cuius hæc verba sunt. Apparuit temporibus istis homo magnæ virtutis nominatus IESVS, qui à gente Prophetæ dicitur; quem eius discipuli filium Dei vocant, suscitans mortuos, sanans omnes languores: Homo quidem stature procere mediocriter, & spectabilis, vultum habens venerabilem, quem intuentes possunt diligere & formidare, Capillos habens coloris nucis auellane præmature, & planos ferè usq; ad aures, ab auribus vero cincinnos, crispas, aliquantulum ceruleos, & fulgentiores ab humeris ventilantes, discrimen habens in medio capitis, iuxta morem Nazæeorum, frontem planam, & serenissimam, cum facie sine ruga & macula aliqua, quam rubor moderatus venustat: nasi & oris nulla prorsus est reprehensio. Barbam habet copiosam, & intonsam, capillis concolorem, non longam, sed in medio bifurcatam: Aspectum habet simplicem & maturum: oculis glaucis, varijs, & clavis existentibus, In increpatione terribilis, in admonitione blandus, & amabilis, hilaris, seruata grauitate. Qui tamen nunquam visus est ridere, flere autem sæpius. Sic in statura corporis propagatus, rectas manus habens, & brachia, & omnia visu delectabilia, in colloquio grauis, rarus, & modestus, speciosus inter hominum filios.


CHRI-

Antoni^o
Eps Flo-
rentin. in
chronico
ex Entro-
pio, in an-
nalibus.

Lib. Aug.
gust. & Tau
rinorū.

CHRISTI quoque numismata antiquissima aliquot, adhuc extant; Et ꝑneum vnum magno labore conquistum, in meis pluteis conferuo, quod alibi fusius exposuimus.

Ex anti-
quissimo
numisma
te.



Ex Vin-
centio hi
stor. lib.
7. ca. 56.
Et Euan-
gelio Ni-
codemi.

Huic quoq; Sindoni non parum gloriæ tribuit Nicodemus Euangelium: quod licet inter apocrypha sit, credendiq; necessitatem non imponat, pietatem tamen inducit, nec est inutile. Afferit enim Iosephum ea Sepulturæ nocte à Iudæis in vincula fuisse coniectum; CHRISTVM Q. sibi apparuisse dixisseq; . *Noli timere Ioseph, respice me, ego sum IESVS, quem tu sepelisti, & tenens manum meam deduxit ad locum ubi sepeliui eum; Et ostendit mihi Sindonem, & fasciale in quo caput eius inuolui.* Et quæ sequuntur. De Sindone quoq; Iuuenicus presbyter, qui sub Constantino magno Anno cccxxx. floruit sic cecinit.

Iuuenicus
lib. 4. E.
uangelice
historia.

*Concessit Preses, sed corpus fulgida lino.
Texta tegunt, saxiq; nouo componitur antro.*

Nec multo post, sub Theodosio Anno ccccxxx. Sedulius eousq; Sindonem extollit, vt ex ea resurrectionem verè probari affirmet hoc carmine.

Cuius iacet intus amictus?

Cuius ad exuias sedet Angelus?

At inquiunt, quæ plaga lateris in sinistram partem in hac Sindone cernitur? quæ plaga dextrum versus illata fuit. Id quod tamen à Ioanne non exprimitur cum ait, *Unus militum lancea latus eius aperuit, & continuo exiuit sanguis & aqua.* Id nihi-

lori.

hilominus non diffitear, vt dextra per sinistram hic indicat: quemadmodum impressi sigilli typus aliud latius referre solet, & quod in vno dextrum, in alio sinistrum, ipsa sui reuersione appareat. At verò isti vltius commouere inuidiam & dissidia miscere cum alijs Regionibus satagunt: Aliam videlicet Sindonem in Burgundia Bisuntinos habere, aliam in Lusitania Turdetanos iactitare, vt quoque Germania apud Traiectum sibi suam tribuit, ac proinde ex eo conflictu vanas eas omnes vnà cum Sabauda reddere contendunt. Illis populis, qui suas tueantur, iusta arma non deerunt, præter hæc Evangelij firma propugnacula, cum plura fuisse lintheamina exprimatur, vt vero est simile, matronas sollicitas, cum Iosephi Sindone alia (vt prædiximus) cōtulisse linthea, quæ aliquas etiam notas cruoris & sudoris imbiberint. Quod alij blaterant, non hanc tandiu potuisse Sindonem integram conseruari, corrupti linum, intextaq; omnia tempore. At non frustra cecinit Diuinus vates. *Nec dabis sanctum tuum videre corruptionem.* cum hæc pars corporis sacrosancti inhereat, ac proinde corruptionis experts, accessioni cedente materia: Nec ideo eam adorandam ambigendum est, ex ipsius vatis sententia, cum ait, *adorabimus in loco ubi steterunt pedes eius.* Quid si (inquiunt) resurrexit, nulla pars corporis in terris remanere potuit, ac proinde sanguis qui creditur, non Christi erit, qui ad Cælos integer ascendit. Verum ignorant Resurrectionis veræ, membra ea esse potissima, quæ ad compositi absolutam constitutionem pertinent, non verò minutissima quæq; , & excrementorū huiusmodi species: alioquin absurda plurima sequerentur. At illi añunt, Quin potius pictura hæc est, arte elaborata. Sed si propius intueantur (quod vel pictorum nullus artificumq; ibit inficias) nulla id arte opus assequi, nullo imitari penicillo, nullis coloribus exprimi, fingiue posse fatebuntur. Diuinus enim splendor, se non depingi patitur, metiri, aut assequi: imo ex ipso intuitu,

Psalmos
15

Psalmos
131.

Ex Diuo
Thoma
Agnat.
&c.

*Eusebius
lib. x. ca.
13.
Nicepho-
rus li. 2.
cap. 7. ex
archiuis
Ciuitalis
Edeffe.*

intuitu quædam de repente subit admiratio sub oculorum acumen, Thaumantiæ maior : & animum reuerentia, feruorq; mouet, vt demissam ab alto Diuinam præsentiam adesse sentias. Huc attinet Abagari Edeffenorum Principis historia, Qui eo quo in CHRISTVM tenebatur desiderio, perculsus, Pictorem eximium ad eum misit, sed opus cœptum, quodd non succedere potuerit, ipsa coruscans Diuinitas impedimento fuit : fauere nihilominus pijs votis CHRISTVS voluit, & admoto capiti linteo, faciem ad viuum expressam reddidit, quam ad Abagarum Principem misit. Quemadmodum verò integra effigies hac in Sindone de CHRISTI corpore expressa, ad Sabaudos Principes non immeritò tandem peruenerit, hoc nunc potissimum expectari ab omnibus sentio. Quis progressus ab eo tanto tempore, quæ cura, quæ sollicitudo conseruandæ tantæ rei, tanti operis, & pretij. Primum certissimis coniecturis, quarum aliquot attulimus; piè in tantis temporum inuolucris, credendum veniet. Alterum tabulis indubitatis, & monumentorum publica fide in aperto erit omnibus. Cum igitur Petrus, Ecclesiæ caput & Princeps à CHRISTO designatus, monumentum vacuum introire non extimuit, viditq; Sindonem & linteamina, necnon Sudarium: quis dubitet hæc non neglexisse, quin sollicitè secum asportasse? Ioannem item viæ comitem tantarum exuiarum partem exquisiuisse, & impetrasse? aut certè Iosepho, tanq̃ sepulchri Domino, & Nicodemus benemeritis de CHRISTO discipulis, omnia vti decebat consignata fuisse? Deniq; has diuinitatis diuitias, & incomparabilem thesaurum, semper ad viros principes, & potentes rerum, quasi per manus traditum, commendatum, in magno pretio, honoreq; habitum, & religiosè conseruatum. Hinc ad Hierosolymitanos reges peruénisse non ambigam, Christianissimis maximè ex Gottofredi Bollioni gente, qui Gallo- rum primus anno salutis M x c v i i i. Hierosolyma expulsis Saracenjs

racenis potitus est, & ad Lusitanos Hugones, Guidones, Henricos, Ianos, & alios Reges cum Cyprio diademate transmisit. Cuius stirpis rex ultimus Ioannes, Iani filius, sororem habebat Annam Ludouico Sabaudia Ducis collocatam, anno Mccccxxxii. a qua Sabaudia Duces sunt editi. Ioanni item regi filia fuit vnica, & hæres Charlota, quæ anno Mcccclvii. nupsit Ludouico Ludouici Ducis filio, necessitudinis vinculo à Nicolao V. Pont. max. non abs re laxato: Hinc Sabaudus, Rex Cypri salutatus. Sed vt ad rem propius, Dum anno Mcccclviii. Orientis Imperij sedes vi, & armis, à Mahumete Turcarum rege expugnaretur, cedere omnia diriperentur, & vastarentur, Constantinus Palæologus ipse truncatus capite, regni, simul & vitæ finem fecisset, nihil in Græcia, nihil in Asia, aut Syria tutum restaret, aufugerent omnes atrocissimi tyranni crudelitatem, Illustris quædam matrona Margarita à Carni nomine, sarcinis collectis, inter quas hanc raram Sindonem reposuerat, Græcia mouere, cælumq; mutare constituit, atq; in Galliam proficisci. Hanc à regibus Hierosolymitanis prodijisse ex eo constat, quod Hierosolymitana in historia Cypria vocetur, nupta Hæctori Lusitano Philippi filio: quibus omnibus tempora conueniunt. Carnim autem denominatam puto, quod Carinæ vrbi Ionie in Asia minori, dominaretur: aut Carnæ Aolidis, siue à Carnæ oppido Pheniciæ, quod ad montem Libanum reponitur. Burgundam alij ferunt, quod eius nominis illustris ibi sit familia, siue in Asiam illa migrarit, siue ab Asia in Gallias deducta fuerit. Vbi ergo in Italiam Carna appulit, & magnis itineribus Alpes superauit, Camberij (quæ Sabaudia Ducum regia est) à Ludouico & Anna Cypria Ducibus, splendidissimè, vt tantam principem matronam & affinem decebat, excepta est. Quibus tandem hoc Sacrosanctum Sindonis munus, discedens non sine magnis obsecrationibus contulit. Quid verò intercesserit, quid donationi cau-

*Ex archi-
uo Sabau-
do.*

*Matthæ-
us Pal-
merus in
chronico.*

*Ex histo-
ria Cypria
Stephani
Lusigna-
ni: & ar-
bore gen-
tis Lusit-
anæ.
Stepha-
nus de vr-
bibus.
Plin. lib.
5. ca. 20.*

*Ex dona-
tionis ta-
bulis a-
ctis Cam-
berij 22.
Mart. an-
no 1452.*

C sam

*Ex veteri
tabella
Sindonis
tēplo affi-
xa, & no-
tis Petri
Pionij
proavi.*

*Primum
miraculū*

*Secūdum
miraculū*

*Tertium
miraculū*

fam dederit, non hoc loco absconum sit paucis enarrare. Instru-
ctissima ad longum viaticum omnia Princeps illa habebat,
Equitatus, muli dossuarij, Cistę signa, vasaq; suppetebant, nec
ars ingens deesse videbatur, liberalitate ipsa teste, quam erga
omnes exercebat. His copijs fures allecti, negligentiore Grę-
co famulatio, scrinia aliquot effringunt, & nocte intempesta
quantam possunt supellectilem subducunt, inter quam ve-
neranda Sindon capsula deaurata includebatur. Ceterum fu-
res dum rapta inter sese partirentur, nec isti satis demirari pos-
sent elegantem Sindonis texturam, nulli telarum compara-
bilem, hanc per medium abscindere statuunt. Sed forfices te-
nenti, tentantiq;, contortę sunt manus, conuersumq; protinus
collum, & quasi clinicus obstupuit: Alter, usurpato sibi inte-
gro linteo, dum sudoris, & cruoris humani stigmata vndis
abluere conatur, vt res venalior redderetur, eo magis vtraq;
pars hominis impressa apparebat. Cuius radijs etiam, vtroq;
est orbatus lumine. Interea præconis voce per compita graue
supplicium receptatoribus indicitur: at furtum indicantibus,
aut restituentibus, non modo impunitas, sed præmium pro-
mittitur. Ipsa quoque Carna reddito solo sibi Linteo, cetera
quamuis præciosa, munificè concedebat. His rebus adducti
prædones, furto restituto, religione se exoluunt, & ad pœni-
tentiam stimulat, voto soluto, salutem præsentissimam con-
sequuntur. Nullus non lætitia singulari affectus est, & Princi-
pi matronę à nostris Principibus impensè gratulatum est, de
insigni inuenta Sindone. Deniq; maiori in veneratione habe-
ri cœpit, ob factum Diuinitus in resipiscientium prædonum
gratiam miraculum. Idq; Camberij, vel eo nomine, celebra-
rimo futuro oppido. Quapropter Dux Anna Cypria, ardens
animo, audaciorq; à Gentili sua, & Gręca munus illud fami-
liariter, obnixęque postulat, Sed promptam efflagitationem,
promptior sequuta est recusatio. Quodcumq; illa aliud popo-
scerit

scerit non denegaturam se, profusuram potius omnia, vno hoc excepto, in quo animi solatium, corporis requiem, spem deniq; & salutem reposuerit. Factum est satis Duci modestissime, nec sine reditus desiderio Græca officiosè dimittit: At dum muli scrinijs onerantur, agunturq; à veterinarijs, in ipso vrbis egressu, nunq̃ adduci, cogiue potuit mulus clitellarius, cui sacrum onus impositum fuerat, portarum valuas prætergredi, vt alio sequeretur; Ac proinde existimatum est Diuina id fieri prouidentia, Diuinum illud pignus Sabaudis Principibus & Camberio deberi: Itaque à Ludouico & Anna Ducibus exoratur tandem Margarita: Ipsa rei miraculo, non parum ad eam quam diximus donationem munificentiamq; exercendam adducta est. Tantum ob donum, gratias immortales Duces egerunt, supplicationes Superis indixerunt, arcis marmoreo sacello perpetuo conseruaturi reposuerunt. Quod Sacellum Paulus II. Pontifex Max. in Ecclesiam collegiatam erexit: ipse etiam Ludouicus ex auro, ære, argento numismata cudi iussit, quibus vna ex parte Ducis effigies, ex altera Angelus (qualis ferè in CHRISTI tumulo apparuit) Sindonem passis vlnis ostentans representatur.

4. Miraculum.



Ex numismate Ludouici.

Dehinc non dictu est facile quot nuncupata vota feliciter successerint, quot miraculis illustratus sit locus, comprobata, conseruataq; loco sincera fides, & maiorum pura religio.

C 2


Hic

Ex tabu-
lis innu-
meris Cā
beriano
tēplo affi-
xis.

Hic mutos loqui, audire surdos, videre cecos, claudos am-
bulare, lepra affectos mundari, Cacodemone vexatos libe-
rari, mortuos deniq; reuiuiscere quoties visum est, & non se-
mel admiratum: testes sunt fixæ ad sacros postes tabulæ, siue
programmata, cartophilacia, codicilli publici: testis vniuersa
Europa, cuius cum nulla non tam remota pars huc accurre-
rit, nullus non voti compos ad suos lares redijt. Ad quæ sin-
gula describenda nullæ mihi chartæ sufficerent. Quid Ame-
deum octauum Ludouici filium, inter Diuos ob vitæ sancti-
moniam relatum, referam? quàm sepe à Subalpinis ad Trāsāl-
pinos, quamuis valetudinarius, humili habitu, cultuq; corpo-
ris, ad venerandam Sindonem pedibus profectus est, inse-
quente etiam Iolanda à Francia Christianissima coniuge.
Quid Philibertū? quid Carolum eius nominis primum com-
memorem? cuius Caroli numisma quoq; auito exemplo, ad
Sindonis memoriam cūsum est, Angelo Sindonem, quasi tro-
pheum, extollente.

Ex notis
Ludouici
Pignonij
aui mei
an. 1470

Ex ipso
numisma
te argen-
teo.



Ex Bulla
data Ro-
mæ anno.

1480.

Ex ipso
tractatu
Sixti re-
lati i bul-
la Iulij ij.

Quo sæculo Sixtus III. Pontifex Maximus Sacellum, in quo
Sindon illa conseruatur, Sanctum dici voluit, affirmavitq; li-
bello antea à se edito, in ipsa Sindone ipsius CHRISTI ve-
rum sanguinem, & imaginem conspici. Quid Philippum Du-
cem (qui Carlo Ioanni Amadeo trinomini, pupillo, Caroli,
filio

filio tandem successit) in medium proferam ? & Claudiæ Britannicæ Pontiberge coniugis pietatem; quam omnibus modis ad venerationem & custodiam huius Sindonis exercuerunt? Philibertus quoq; secundus, Philippi ex priore coniuge Margarita Borbonia filius, cum patri successisset, duxissetq; Margaritam Austriacam, filiam Maximiliani Imperatoris, sororemq; regis Hispaniarum Philippi, hunc ipsum Philippum, in arce Pontis Indis Sebusiani agri splendidissime excepit, anno M D I I I. & spectandę Sindonis, ibi (qua potissimum de causa venerat) copiam fecit. De mortuo mox Philiberto, Carolus, ex secundis nuptijs frater, cum Claudia matre rerum potitur. Hęc sanctimonię incomparabilis fœmina, inter preciosum mundum, & iocalia hanc habebat Sindonem, & in Biliaca arce Beugesij, vbi ad pietatem secesserat, religiosè diu conseruauit: donec anno M D V I. Caroli filij Ducis precibus, & patrię votis, Camberianis populis restituit, simulq; à Iulio secundo, Ruuerę gentis, Pontifice maximo intrarunt, vt in eo sancto Sacello Sindonis officiũ (horas Canonicas vocāt) resq; diuina, ppiatorio ritu peculiariter celebrareñ. Diesq; sacer Sindoni, ad quartũ nonas Maij habereñ, post diē Inuentioni Crucis festũ, eũq; rei appositissimũ. Alio quoq; diplomate veniales largitiones singulis cõtulit noxarũ oĩum, qui supplices eã suspicerent Sindonẽ, & venerarent. Quæ deniq; eo statò die, ad arcis Camberianę muros, Verneteumq; campum, spectanda proponitur. Accepi patrum memoria Franciscum Francorum Regem, Ludouica Sabauda matre natum, cum ad Marinianũ, in summo belli discrimine, Mediolanensium rerum causa, adductus esset, vota ad CHRISTI Sindonem direxisse, moxq; precanti adfuisse Numen, extinxisse Heluetiorum impetum, in suas partes inclinasse victoriam. Tum p̄sidijs Mediolani constitutis, in Galliam reuersus, anno M D X V I. regni verò secundò, Rex Lugduno mouens

*Ex notis
Ludouici
Pignonij
patris, et
Iacobi De
lexij eius
seculi.*

*Ex Bulla
Iulij 2.
dat. Rom.
apud San-
ctum Pe-
trum vij.
cal. Maij
anno Põ-
tif. 1506.*

*Ex notis
paternis
anni 1516
15. Iunij.*

*Ex histo-
ria Guil.
Parad.
li. 3. cap.
99.*

*Ex notis
Iacobi De
lexij.*

*Ex notis
Lelij à Ru-
nere pa-
tricij Tau-
rinen. Vi-
cononi re-
guli.*

Vidi.

*Mirach-
lum.*

*Danielis.
2.*

*In Calui-
ni calum-
nias.*

*Ex diplo-
mate &
tabulis
an. 1534
15. Apr.*

uens, Camberium pedibus iter fecit, Sacram Sindonem reli-
giosissimè inuisit, & adorauit. A Duce verò Carolo auuncu-
lo splendidissimè est exceptus. Is item Carolus anno huius
seculi, xxi. Taurini agens, sæuè pestis elapsus periculo, tra-
iectis pedestri itinere alpibus, Camberium ad Sindonis ora-
culum accessit, assumptis secum duodecim sacræ peregrina-
tionis comitibus, quos inter Lelius Ruuerius, Hieronymi
Taurinensium Archiepiscopi pater, allectus fuerat. Sed dira
bellorum præfagia anno MDxxxi. demonstrata sunt, cum
secundo nonas Decembres, Barbaræ virginis festo die, no-
cte media vix illabente, illud acris facellum, in quo Sindon
reponebatur, flammis incognitis exarsit, Accurrebant omnes,
sed omnium diligentissimus, Philibertus Lambertus, Ducis à-
clauibus, & consilijs, ascito secum ferrario, fabro Gulielmo
Pussodo nomine, & Frânciscanis duobus, Imperterritito animo,
per medios ignes gradiuntur, cancellos ignitos aræ maximæ
affixos, serasq; effringunt, Sindonem iam liquefacta capsâ
argentea, extrahunt, & integram, cedente circum flamma, re-
portant. Effusis ignibus grassabatur incendium, absumeban-
tur marmora & columnæ, sed potentiore piorum hominum
fide, viq; Numinis, superata est ignis natura: fugiebant flam-
mæ, & qui putabantur arsurî, velut frigido rore perfunde-
bantur, seq; ipsos sunt admirati, velut illis quondam Hebræis
pueris contigisse credimus. Istud equidem palam omnes vi-
dimus (tunc enim aderam) & obstupuimus. Nec multo post
Sindon publicè representata est integerrima; præter quod (ex-
tra tamen sacræ iconis partes) in complicatu, exiguæ quædam
ambustionis notæ, veluti perpetuæ miraculi testes remanse-
runt. Nihilominus non defuerunt qui exustam eam mox falsò
prædicauerint. Quem casum, vbi Clemens vii. Pont. Max. ac-
cepit, rem Ludouico Gorreuodo Cardinali sedis Apostolicę
Legato committit, qui inquisitione diligenti facta, eam ipsam
Sin-

EVANGELICA.

123

Sindonem, quæ ante fuerat, obfignatis tabulis affirmavit. Pontifex verò maximus, de Patrum amplissimi ordinis consensu, piæ sanctæq; à maioribus Pontificibus largita omnia comprobavit. Nec multò post ingrauescentibus bellis, expulsoq; Carolo Duce, anno MDXXXV. pignus illud redituræ aliquando salutis, ipse secum studiosissimè Vercellas detulit, & quandiu vixit conseruavit. Eo verò vita functo anno MDLIII. expilatis à prorege Carolo Cosco Brissaco mense Nouembri Vercellis, nihil tamen Sindoni sinistri contingere potuit: ille siquidè cū affeclis appropinquās, obstupuit, pedē retraxit, hæc inuiolata Sindon Emanueli Philiberto successorī cōseruata est. Posteaquam autem fauente, summo Numine pax illuxit anno MDLIX. restitutusq; est Emanuel, ducta Margarita à Francia Regum filia, sorore, amita, & matre verè Regij Caroli Emanuelis: Sindonem hanc Camberij reportari piè iussit, anno MDLXII. nuperq; non vnīs literis, vrbi restitui pollicitus est. In qua vrbe iam primum olim collocata, & ipse faustis patriæ auspicijs natus fuerat. In cuius gratiam quæ à nobis tunc emissa fuerunt carmina, inserere, atq; ita narrationem claudere non verebor. Sed prius representandum est numisma, quod recens cudi, maiorum imitatione, ad Sindonem piam memoriam Dux religiosissimus mandauit.

Ex li. 30.
Historia
nostre Sa
bande.

Vidi.

Ex literis
Ducis ad
Præsidentē
Milletū,
cines, &
collegiū
mēsis Au
gusti.
1573.



A D
EMANUELLEM
PHILIBERTVM
 SABAVDIAE DVCEM.
 S I N D O N .

- A**BDITA priscorum tot post oracula vatum,
 Mathei 4. Ter felix Sirius, Solymiq; fuere coloni
 Qui natum Patris aeterni praecepta sequuntur,
 Ioan. 1. Hunc hominemq; , Deumq; , assumpto carnis amictu
 Hebr. 5. Ut nos eriperet metuendi ex faucibus orci,
 1. Tim. 1. Aspexere suis oculis, & verba loquentis
 Ioan. 20. Hauserunt: Immo qui non videra beati
 Talia si credenda imo sub corde reponant.
 Ephes. 4. Dixero felices iterum, pietate priorum,
 Quiq; fide nixi cana, vestigia lustrant
 Obseruata retro, ducunt res hincq; futuras.
 Prov. 16. Perq; manus sumpsere, decet quid credere, quid non
 Nec regere arbitrio tentarunt cuncta suapte,
 Psal. 14. Quales qui sibi met pignantia somnia fingunt,
 1. Pet. 3. Atque animo nunc huc volucris voluuntur, & illuc,
 2. Corin. 10. Inq; novos sensus olim stabilita retorquent.
 Psal. 36. Propositum quorum est fraterno sanguine pasci,
 Eph. 4. Numina fabellis componere anilibus, ut nos,
 1. Tim. 6. Osea 5. Contineant Reges (aiunt) animamq; cadauer
 1. Tim. 1. Putre sequi, porcorum Epicuri de grege nati.
 Rom. 1. Audio quale hoc & o mores, o tempora: rerum
 2. ad Cor. 3. Quae series, orbis miseri quis vertitur ordo?
 1. Corin. 15. Quis furor o ciues? redeundum est, & sapiendum

Insanisse

Insanisse satis: matrem preferte nouerca.

Vos vocat, & gremium, amplexusq; parauit amicos.

Quid meminisse nocet? (potius meminisse iuuabit.)

Corticibus que scripta sacris, seruata videmus

Integra, nec cariem senserunt temporis acti,

Scripta velut res est, rem sic testentur ut actam,

Præfigantq; oculis, feruentior utq; cale scat

Religio, tepidis tandem que sensibus alget.

Hoc minime est inter pericula insigne tacendum.

Postq̃ res hominum Fatis cessere secundis,

Et belli signum Solyma processit ab arce

Confecti, ac victum SERVATOR subdidit hostem,

Tot grassatus erat qui annorum millibus orbe,

Dira adeo sobolem labes affecit Adami,

Illusam nimium, cum uxorius audiit Euam,

Donec Alexicacus venitq; , aciemq; parauit

Ille potens, solus nos prælia propter inuuit,

Consummauit opus, dixitq; nouissima verba:

Magne molis opus, data quod mortalibus ultro

Gratia, quodq; opifer spectatus in arbore Serpens,

Et mundata lues, lue, Nex nece truxq; perempta est.

Insignis pietate senex Iosephus, & auri

Diues, opumq; , Arimathæis sub mœnibus ortus,

Occultus, metuens Solymos, tamen affecla certus,

Confisus Cælo, Regnum expectansq; Tonantis:

Audacter petijt conditi venerabile corpus,

Ad caput à pedibus, cuius pars integra nulla;

Hæu sanie, taboq; fluens, lacerumq; flagellis,

Quintupliciq; patens plaga, miserabile visu.

Annui id Preses, corpusq; dat: ille paratus

Sindonis efficitur Tyriæ emptor: munda nitabant

Stamina; non eadem proles Idmonis Arachne,

D

Texuit

Ephes. 4.

Ioan. 5.

Heb. 2.

2. Tim. 4.

Io. 12. &

16.

Gen. 3.

1. Tim. 2.

Ioan. 19.

Coloss. 1.

Ioan. 10.

Osee 13.

Heb. 2.

Rom. 8.

Matr. 27

Mar. 15.

Luc. 23.

Esaiæ 1.

Matr. 27

- Texuit, aut docta sunt talia pensa Minerva.
 Fidus adest etiam Nicodemus (venerat olim
 Nocte, Senemq; iterum didicit potuisse renasci)
 Non ingratus adest, miscentur Aromata centum
 Penè libris, Mirrhæ, atque Alôes fragrantis ab Indo,
 Atque Arabe aduecta, & nullo comparcere sumptu.
 Tantus amor geminos rapiebat: ab arbore fixa
 Deponunt casum, Inuoluunt artusq; supinos
 SINDONE præsigni, anteriora teguntur eadem.
 Atque alia haud alijs superaddita lintea desunt.
 Non procul hortus erat, vernans plantaribus alis.
 Consita reddebant mixtas arbuta tenebras,
 Scrupea surgebat moles, ingensque sepulchrum,
 Conditus illis adhuc quo non: Mirabile pondus
 Ponitur hic, maius quo non capit hospita tellus.
 Sed prius elatum nudarunt, SINDONE tineta
 Tot plagis, sudore, cruore; coloribus hisce
 Forma datur spectanda, bibunt & lintea formam.
 Vis fuit hæc celsi; mox huius inungere membra
 De more occipiunt, palmis liniuntque cruorem,
 Vulneraque infanda, aduerso dant oscula vultu
 Vulneribus, lacrimas fundunt cognato hululatu.
 Ergo Magne iaces, magnorum Maxime, sic te
 Perfida gens, fera gens, & adultera, teq; Parentem,
 Te Dominumq; Deumq; scidit, fixitq; fuditq;
 Gens luet hæc penas, & qui nascentur ab illa,
 Frendebunt trepidi, cum signa dabuntur Iônæ,
 Moxq; domus deserta ruet, puerosq; vorabunt.
 Tu memor at nostri Supera fac sede locemur.
 Talibus accense dictis, interq; querelas
 Persistunt operi, sed quod tumor occupet artus,
 Festinant, saxoq; tegunt, abeuntq; Nefastis

Aptæ

Apta paraturi, iam iam fugiente quietis
 Tempore: Matronale decus, sequiturq; , videtq;
 Omnia: Oronteoq; onyces fert munere plenos
 Quelibet, officiisque adducto pectore certant.
 Interea exoptata dies illuxit ab alto,
 Tertia certa dies, rursus qua velle reuerti
 Dixerat, ut secum conuexa suprema reuoluant
 Sublimes animæ, rediuiuaq; corpora sumant.
 Ille resurrexit, Manesq; resoluit ab Orco,
 Saxa reuoluuntur; signacula fixa liquescunt.
 Excubias sopor irrigat, & pavor occupat omnes:
 Egreditur tandem Rex Diuum, hominumq; triumphans,
 Ferreque quem nequeunt oculi, splendore corruscat,
 SINDONIS exuias dulcesq; reliquit in antro.
 Qualis ubi in lucem exultans sese exerit anguis,
 Frigora post Brumæ, cum terre ardore dehiscunt,
 Veste nouus posita, viridem repetensq; iuuentam,
 Arduus ad Solem micat, & velut aëra tranat.

Luc. 23.

I. Corint.

15.

Coloss. 1.

Ioan. 20.

Mat. 28.

Postera lux vix orta, nouisq; aurora meabat
 Lumimbus, madido geminantes rore per herbas,
 Magdalena redit socijs comitantibus, aurasq;
 Humentes feriunt gemitu, dolor ima perurit;
 Quod patefactus hiet tumulus, quod & extet inanis,
 Ereptumq; ratæ Dominum: querentibus extra,
 Intra etiam, Pueri soboles flamantis Olympi
 Astabant gemini, vestes splendore renident,
 Nix velut Alpinos apices quæ plurima texit,
 Impubesq; genæ, demissi fulguris instar,
 Lumina perstrinxere solo inclinata trementum.

Mat. 28.

Marc. 16

Luc. 24.

Ioan. 20.

Ion. 2.

Osee 9.

Audite o primæ (Unus ait) spes discite vestras,
 Corda pauore vacent: situs hic fuit, inde reuixit
 Vester Iesus, apud sanctos ne hunc querite, Regnat.

Apoc. 1.

2. Timc.

2.

D 2

Mens

- Mat. 28. Mens presaga fidem accepit ; quæ dixit, adimplet
 Ite, referte alijs ; namq; utrò occurret ad oras
 Mar. 16. Quas Galilæus habet, iam hærent vestigia prima
 Hæc inter, sola ostentabant Lintea, SINDON
 Ioan. 20. Proximiorq; cuti apparet, sudore cruento
 Pressa, notis referens totius corporis Umbras.
 Hic humero dorsum versus, pendebat utroq;
 Occiput hic, rami manuumq; pedumq; iacebant.
 Parte alia, frons pressa patebat sentibus aspris,
 Ioan. 19. Liuida q; ora, latusq; infixum vulnere crudo,
 Pertusasq; volas clauorum, & stigmata plantis
 Spectabant. Varium fuit author imaginis ulcus
 Exin cuncta notant, referunt velocius Euro.
 Luc. 22. Audijt hæc Petrus, lachrimis aspersus amaris,
 Ioan. 20. Festinauit Iôannes, adamat' ab illo,
 1. Corin. 15. Incubuit tumulo primum : simul aspicit alter :
 Luc. 24. Omnia videre ut fuerant narrata, fidemq;
 Adiunxere, prius qui talia credere duri,
 Ac delirantes subsannanere professas.
 Credibile est etiam, pietati conuenit alma;
 Nec secus esse potest, non hancce fuisse relictam
 Rem tanti precij, pesundata totq; trophæa,
 Conscia quæ nostræ dicam vexilla Salutis.
 Sollicitè potius quin hæc letissima SINDON
 1. Tim. 2. Afferuata fuit, feruentis amoris ut arrha :
 Dum noua Christicolæ surgunt cunabula gentis,
 Exardentq; animis populi, visq; Enthea dictat
 Act. 4. Spargere res pedibusq; Patrum, communia cuncta,
 Mat. 9. Nil proprij voluisse, nec ipsi parcere vita,
 Omnia sollicitos factis implessè, nihilque
 Act. 5. Fastidisse pium, extremos nunc tangere limbos,
 Act. 19. Nunc Umbras hominum venerariet, ipsaque Pauli

Cingula

Cingula, & indomitis sudaria poscere morbis.
 Est seruus non maior hero, nihil SINDONE maius.
 Hancq; penes magnos, proceresq; fuisse putandum est.
 Principibus placere viris quæ rara videntur.
 Rarior, & longè hæc omni Garamantide gemma,
 Nilq; ab Eritbreis preciosius aduenit undis,
 Prodigus aut inter charissima vœtat Idaspes.

Ioan. 13.

& 15.

Mat. 20.

Luc. 6.

Tandem ad sublimes pietate fideq; Sabaudos
 Peruenit SINDON, Cyprio Diademate Princeps
 Cum Ludoicus ouat, consecratis Hymeneis.

Munere Margaridis Carna (Clarissima Graium

Donatio

Carna fuit) poterat nulli traducere munus

22. Mar.

Dignus: Antiqua Lodoicus origine Saxo.

14. 1453.

Inclita gens, duce qua CHRISTVM Germania nouit,

Ex histo-

Isq; nepos Tritauum, quibus ardua stemmata liquit

ria Sa-

Clara Rhodos, Scythio tunc libera facta Tyranno.

bauda.

Stemmata, sanguineis quibus est Crux cana manipulis.

Seu Longobardo hac manus deducere regno.

Is Proauusq; pij EMANVELIS, sanctior illo

Quo nec adest, similem Saturnia nec tulit atas.

Ille mihi terris Deus, huic mea consecret aram

Patria: Camberie sacra munera reddidit urbi:

Et debebantur nostris hæc pignora terris.

Nos ergo incolumes seruemus tanta, nec inflent

Elatos animos, medecina negatur Hydropsi.

Exornant humiles Superi, spoliantq; superbos.

Mat. 23.

Discite qualis erat, cuius monumenta tenemus,

Phil. 2.

Mitis erant, facilisq; pati, Crucis horrida passus.

Alloquor o vos electum genus (ite profani,

In dubium reuocare lubet quibus omnia certa.)

Credite vos: hæc est CHRISTI certissima SINDON,

Fingere non Zeufis scisset, non Cöus Apelles,

Nec

- Nec manus artificis cuiusquam talia posset ,
Qualia Diuini Miracula nutibus extant .*
- Mat. 3. Sit duris oculata fides , non lumina fallunt .*
- I. Corin. 15. Aspicite , & vestras memores agnoscite culpas ,
Causa fuere mali , mala vestra malisq; feruntur :
Flectite colla , solo proni colitote laborum*
- I. Tim. 1 Reliquias veterum , effigiemq; Typumq; Tonantis*
- Exod. 20 Sic sed ut unus adoretur Deus : Jma colendo .*
- Mat. 4. Mens erecta Polo tendat , quo tendimus omnes .*
- Rom. I. Sensibus obiecta , eternos penetrare recessus ,
Ostenduntq; vias faciles , quibus itur ad astra .
Quod superest , compellat adhuc discincta capillos
Religio , velutiq; suis heredibus insit .*
- Rom. Tutelare domi dum Numen habetis , ouili*
- I. Corin. 15. Obfirmate pedum , lupus insidiator oberrat ,*
- I. Pet. 5. Impastusq; leo rugit , manditq; , voratq; ,
& 3. Molle pecus , mutis Pastoribus usque minatur ,
Ne pueri , ne vos vicinia fascinet , ausa*
- Ephes. 6. 4. & 5. Omne nefas , specieq; boni scelus attrahit omne ,*
- Galat. 3 Expiscatur & hic comites , illicq; malorum .
Discite iusta sequi , nec vos assuescite bellis .
Aut saltem in Patrie non vertite viscera vires ,
Sed vestro parete Duci , nam missus Olympo est .*
- I. Pet. 2. Colos. 3. Tuq; prior , tu magne genus quod ab Hercule ducas*
- Rom. 13. Dux PHILIBERTE , ferros deuincere perge volubros .
Dixit : & inflexis oculis delubra petiuit .*

M D L X I I .

D E

M I R A C V L V M D E N.

Fufina puella Gulielmi filia
Camberiana.

Languēbat, teretes trahens lacertos,
Et plantas fragiles, inersque corpus,
Idque annis melioribus, puella
Cygno candidor, niue, & ligustro,
Sed trunco similis, sonos cicadę
Edebat superos ad usque tractus,
Nunc hæc Numina, nunc vocabat illa:
Inpetrata nec est salus vocanti.
Donec SINDONIS ad locum reposta
Se ferri, rogat impigros Parentes,
Defertur, lachrymas, precesque fundit,
Et suspiria faucibus profundis.
Per CHRISTI madidas cruore plagas,
Perque hæc humida lina de cruore,
Per vestigia corporis cruenti,
Quæ sunt stemmata publica Salutis,
Exoptata salus leuet iacentem.
Vix effata, mouet manus, pedesque,
Exurgit, graditur iuuante nullo,
Tum nubit, fit anus, Deumque laudat.

Vidi an-
no 1533
Maior.

Aliud de Petro N. adolescente Romuliaco.

Pons est aditus aditissimorum,
Cæli in flumine vorticiflore,
Urbem ad Romulidum viam ministrans.
Imberbis Iuuenis volans caballo,

Vidi, an-
no 1534
Aprilis.

Quem

Quem iumenta priora concitabant,
 Praecepto ponte cadit, simul caballus.
 Infelix pater, intuens periculum.
 O SINDON sacra (clamat) o Salutis
 Pignusque, arrhaque, filium reserua.
 Servatur, percunte sed caballo.
 Quid non efficit inuocata SINDON?

Aliud de liberatis Dæmoniâcis

vidi.

2535. Infandum: Stygia viros cateruæ
 Maio. Torquebant aliquot, furore diuor
 Accedunt, hululatus fremendis,
 Torui lumina, colla protrahentes,
 Vincti brachia ferreis cathenis,
 Non viles, licet hi viri miselli.
 Cum spectanda datur sub urbe SINDON
 Turba prata per ima demoranti.
 Ut mox suspiciunt, cohors nephanda
 Exclamat, Deitas adest, abimus.
 Fit fulgor, nebulas vomit Mephitis,
 Erumpunt per inane, liberosque
 Dimittunt miseros, deinde faustos,
 Et non creditis Impij? crepetis.



AP.

A P P E N D I X

De Muti miraculo.

DV M scribendi finem facio, styium iterum rei nouo miraculo adducor sumere. Quod vidi, quod domi gestum est, quod tota nouit vicinia, Id vnum testor ego, nec subticere possum, aut debeo. Anno superiore mutum quendā Philiberta vxor in villa Spinetea nostra, agri Taurinensis alendum fouendumq; commiseratione ducta susceperat. Is quinquennio antea ostiatim victum queritabat, nutu, & articulorum signis animi sensa, non voce aliqua exprimere poterat, nisi quod sicuti bruta vlularet, lingua in globum contracta, mādenti etiam officium negabat, atq; iniectis in os digitis, tritū dentibus cibum in fauces demittere cogeatur. Miserandus certē adolescens. Ceterum ad operas non impiger, frugi, fidus, amabilis, acri memoria, nec tardo ingenio, & ad pietatem procliuui. Quid accidit? Nuper cum Dux Emanuel monitos quoscunq; per Præconem ad vrbis compita, tubis resonantibus voluisset, vt ad spectandam SINDONEM statim diebus pararentur, ieiuniorum, orationum, elemosinarum beneficio, noxarū deniq; expiatione; Ipse quoq; (vt Patrē familias decet) & vxor, domesticos ad id ipsum sumus exhortati. Muto imprimis varia exēpla adducta sunt, quibus loquendi facultas Diuini Numinis virtute, (cuius certissima vestigia in SINDONE refulgent) est restituta. Idq; superioribus annis Burgundæ virgini nobilissimæ, Camberij in ipso SINDONIS aspectu feliciter obtigisse adferebatur. Ille vero hæc secum ita agit, vt exactis aliquot post diebus, tandem summo mane, qui dies v. Calen. Nouemb. septuagesimo octauo de villa redit, iam non mutus, mirantibus nobis fatur, & palam genibus inclinatus, gratias Deo agit, Sanctāq; CHRISTI

E

S I N-

SINDONEM laudibus extollit, quam quinquies vidisse se, ad quinq; vulnerum CHRISTO illatorum memoriam affirmat, & ieiunia quædam, quoad vixerit, Deo vouisse. Atq; cum ieiunare cœpisset, præcedente nocte, somno profundo excitatum, dissolutam sibi linguam, cum cruoris effusione, cruentum os ubi aqua abluit, IESVM CHRISTVM exclamauisse, CHRISTIQ; SINDONEM, atq; ita sospitem redditum fuisse. De singulis, à nobis rogatus certiores nos facit, Baptistam se vocari, Charij oppido natum, Patre Michaele obscuro genere, matris nomen ignorare, & ijs iamdiu orbatum, decimum octauum annum attingere, vt ex aspectu dignoscitur, sex ab hinc annis non fuisse loquutum, inuadente quodam morbo, siue Magæ cuiusdam malis artibus contigerit: linguam nunc explicatam profert, nulla nodi aut cicatricis apparent vestigia, nec ad mansum vllis ultra opus est dactilis, Et (vt paucis) quod prius apud homines desperatum fuerat, præsens Dei Maximi summo munere, remedium adeptus fuisse cernitur.

*De Baptista muto, virtute Sanctæ Christi SINDONIS
loquellam adepto. Mich. Gass.
Beltrani Lusitani.*

REGNAT, ño, regnat (Solyme ferarumpere) CHRISTVS
Nec dubijs in rebus opem negat. Ecce nefandis
Cladibus ereptus sextæ post frigora Brumæ,
Ora sono, vt quondam liber Baptista resoluit.
Ambignis nec sensa notis, digitoq; loquaci
Tristis vt ante docet. Miseros ope scilicet AETHER
Subleuat, abiectosq; animi. Letare verenda
Christiadiùm, letare manus, non ista venenum,
ÆEmonieq; artes, quæ nil nisi funus, & agros

Angores

Angores, Furiasq; Valent inducere rebus
 Humanis, ostenta mouent. Natiq; Patrisque
 Dextera, quique prius quàm mensura Luna nouaret
 Vultus, quàm radians Hyperiona cingeret arcus,
 Spiritus undantum cumulos super ibat aquarum,
 Hec agit, hec tristi mittit solatia Mundo
 (Ceū toties) Superum testatus ab æthere textum
 Funeris exuias victi, nostræque Salutis
 Certum, horrendum, ingens monumentum. O' terq; quaterque
 Felices, quos præsidio pietatis in omnes
 Alma Fides casus stabili muniuit. Egenos
 Deseret auxilij nunquam indulgentia Cæli.
 Sed, quid, Liuor edax, mendaces carminis usus
 Obijcis? & fidei numero mea verba reponis?
 Non mihi cura Ithacis includere pellibus Euros,
 Non canibus Scyllam circumuallare Marinis.
 Casurosq; breui per mutua vulnera fratres
 Tollere viperei de semine dentis, & atro
 Cerberon, & rictus Furiarum umbrare Chelydro.
 Ah pereant quitunq; ornant mendacia dictis,
 Et figmenta probant. nec saxum Sisyphon urget
 Nec Tityon septem prostratum in iugera terre
 Tundit auis: media nec Tantalus aret in unda,
 Huc geminas tamen adde acies, iterumq; voluta,
 Arcana excussis latè Diuina tenebris
 Inuenies: sed tu stolido, cœu Simius, ore
 Delibas fœtus extrema putamina, fellisq;
 Offensus specie, nuclei miracula cœci,
 Hyblais potiora fauis exquirere nescis.
 Nec labor est validam (ut mussas) defendere causam;
 Quæ nihil auxilij, nil est opis indiga. priscos
 Aspergunt maculis commenta infamibus, esto.

E 2 Vera

Vera canunt nostri, quid Thesbius edidit ardor?
 Iessei quid pleetra sonant sublimia Regis?
 Quid pia Sedulij Clio? quid clara Iuenci?
 (Ut mihi Parthenopes laus, ut mihi fama Crémone
 Pratermissa abeat, nostrisq; indicta Camœnis)
 Tibia, quam summi resonant facta incluta CHRISTI,
 Mi quoq; si Romæ componere fas sit Hypæpas
 Noster Idumæe Iōannes præmia palmæ
 Deferet, & socio victor dignabor honore,
 Perq; virum latè celebris ferar ora: videbis
 Cœlestem infelix, intabescēsque videndo,
 Nec poteris nostram Liur corrumpere famam.
 Interea Vanas Erato secludere curas
 Incipe, & Astrigerum paulatim ascendere culmen.
 Utque licet, veris imple rumoribus orbem;
 Inflammaque animos vitæ melioris amore.
 Non tamen athereis toties incredula iussis.
 (Sit quamvis amor omnigenas accersere gentes)
 Te, Iudæa, vocem: quis enim tot pressa tenebris
 Pectora, quasque Dei soboles non dispulit umbras,
 Illustrare velit? vos ò quibus integer equi
 Ardor, quos veluti priuatam in secula sortem.
 Perfidiæ exosus Solymæam elegit Olympi
 Regnator; vos, si meriti venerabile CHRISTI
 Nomen, ad insignis spoliū properate triumphi.
 Et vestri effigie Ducis insignita, pijsque
 Lintea diffusi maculis aspersa cruoris
 Suspicite, & totas lachrymarum effudite habenas.
 Dives inopsuè suat, nullo discrimine Iustus
 Rector habet. pulsate fores Pietatis, & agræ
 Auxilium clamate animæ, potiora rogatis,
 (Non ignota cano) voto uberiora feretis.

Siue

Siue quis infestis Erebi male saucius armis
 Ingenus, obscuraque acies, & luminis orbes
 Caligant, aurisque lues, inimica reclusit,
 Seu laeso pulmone perit, seu faucibus ipsis
 Interclusum heret murmur: cumulabere donis
 Optatis, ne quid dubita, cumulabere donis.
 Cernis, ut amissus (nec enim mihi ferre sub auras
 Fas credam, quot, ut ætherei decora ardua Lini
 Dideret, ostentis Pater orbem impleuerit) errat
 Ore sonus pueri nuper, canis instar hyantis?
 Sic est? an falsa iactamur imagine? sic est.
 Vidimus, heu, quoties stricta retinacula lingue:
 Conantisque loqui, vanescere murmur in ore,
 Latratuque sonum velut edere: nec semel offam,
 Officium renuente suum concedere lingua,
 Impulsam digitis (miserum) demisit in aluum.
 Tot guttur labes oppresserat impia damnis.
 Nec mihi crede, vide tu quas ferit ille loquellas,
 Quos iacit ore sonos, oris qui vincula nosti.
 Nam quis Pingonios hac ciuis in urbe Penates
 Nesciat? his Vocis priuatus munere ephæbus
 Successit: vidistis enim, tactique dolore
 (Credere seu dignum est) sortem gemuistis iniquam.
 Nec præbendum aures (moneo) quos obsita nube
 Pectora Cymmeria impellunt illustra Olympi
 Facta Panomphæi (minime quasi corpus aristæ
 Numinis iniussu rapiat Notus) addere sorti,
 Non grates agere auctori, quid debile vulgus?
 Quid Casum, Sortemque vocas? iam nulla profecto,
 Si nihil & vanum colimus, pro Numine, nomen,
 Regnat in orbe Fides, si quod modo vidimus, audet
 Detrahere inuidia virus, Geniumq; reuoluens,

Ne-

Nescio quem, tenebras offundere nititur orbi,
 Qui Domini tot facta oculis incognita nostris
 Credat, & humanos latè superantia sensus?
 Vos igitur, seu cura Poli, seu muneris huius
 Tangit honos, properate Pij, nec somnia vani
 Vos capiant animi, Fidei parere monenti
 Discite, nec rerum cecas cuoluere causas
 Quærite, Romanæ fulti virtute columnæ.
 Tu quoque Taurina, EMANUEL, decus addite famæ,
 Quem noua Maiorum sebeuntem exorsa, precatur
 Aeternum sibi terra Ducem, venerabile serua
 Munus, & exemplis, quibus hæc Domus una redundans,
 Ante alias totum radios effundit in orbem
 Innixus, Patriæ obseruans vestigia, laudem
 Ut facis, acquiras, pariter pietate, vel armis.

De eodem muto epigramma.

Texta triumphantis Pingonius Enthea CHRISTI
 Cæperat historicis concelebrare modis:
 En loquitur famulus, modo mutus. Scilicet æquum,
 Conditor hæc veri munera ferret, erat.

In sacram CHRISTI SINDONEM ode
 Math. B. Sebusiani.

Intimum cordis penetrabile pulsat
 Vis ab excelso mihi fusa cælo,
 Igneos subdens stimulos, furoris
 Signa beati.

Tu meis SINDON habitas medullis;
 Nobilis SINDON, sacra membra CHRISTI
 Digna velare, & precij cruenti
 Condere pondus.

Nec satis, famam patulum per orbem

Dis-

Dissipas miram, properante gressu.

*Mutus accedit, recipitque capta
Munera linguae.*

Vidit hoc Pingon memorandus Heros

Atque Taurinum, pia gens profusis

Hæsit, admirans lachrymis, notata

Sanguine Lina.

O' decus magnum Patria, quis Orbe

Non ab extremo celerare passus

Optet, ut CHRISTI liceat verendos

Cernere vultus?

Si pigros Mundi colerem recessus,

Quos videt nullus neque flectit æstus,

Sive sub Phœbi recalente curru,

Ipse venrem.

SINDONEM quam nunc licet intueri

Infimis terris, videamus omnes

Viuidis tantem radijs, perennes

Orbe superno.

Hymnus antiquus de SINDONE.

O Iubar nostræ Specimen Salutis,

Omnibus qui te venerando credunt,

Et scelus purgant, lachrymisque dura

Pectora tundunt.

Reddis heu CHRISTI effigiem cruenti,

Ecce præsentem, penitusque fractum

Cernimus totum, caput, atque corpus

Proh dolor ipsum.

Scimus, hoc nostrum meruisse crimen,

Nos sumus causæ, fateamur ipsi.

CHRISTE sed nobis miserando parce,

Parce precamur.

SIN-

S I N D O N E M sacram colimus redempti ,
Quæ pium corpus , simul & cruenta
Membra contextit , redeunt ab almo
Cuncta Sepulchro.

Laus , honor , CHRISTO , decus & triumphus ,
Qui suæ nobis documenta mortis
Liquit indignis , miserans precamur ,
Saluet ut omnes.

Pandulphi Sfondrati Cremonen.

Supra Nature vires Mantile tot annos
Stemma quis impressum posse referre putet ?
Mens Princeps , vllas non cognoscenda per artes ,
Quæ fuit , est , & erit , quod iubet ut sit , id est.

Ambr. Olerij Casalen.

Cur mirè facies Dei cruenta
Obliqua appareat , videto multum :
 CHRISTI corpus habet sacrata S I N D O N ,
Multo sanguine quod refert latenter .
Quod recto intuitu , nihil videbis .
Id causæ reputa precor viator ,
Nostri crimina , & inquinata facta .
Is recto intuitu potest videre
Tantum , qui potuit creare cœlum .
Te fusus cruor heu mouere debet :
Vt Cœlum cupias tibi paratum .
Peccator reputa subinde tecum ,
Quàm sanctæ admoneat scelus fugare ,
Infelix nisi propriæ Salutis
Tu saltem fueris memor videndo .
Infelix nisi Patriam Deorum
In mentem reuoces , ut inueharis .

RVGE.

41
R V G E R I I T R I T O N I I

F O R O I V L I E N S I S.

A Vsim te meritis tollere laudibus?

Te dignis modulis, carmine, te lyra,

Vllis te fidibus concelebrem, Sacro

S I N D O N splendida lumine?

Non tu digna tuis tangere nexibus,

Non unxisse tuo digna ligamine,

Vel fouisse etiam diceris integrum

C H R I S T I corpus amabile?

Hinc qui vox hominum tot mala sanguine

Lauit, qui moriens fortiter obruit

Mortem, perpetuò sanguineam sui

In te fixit imaginem.

Quis te nunc igitur non colat, ut Deum

Ipsam, nonuè adeat, dum retines Dei

Impressam effigiem, quam neq; Sydera,

Ipsi nec referunt Poli?

Sed iam Sacra facit, iam litat inclitus

Princeps Allobrogum C A R O L V S; Obsecro,

Sic per te vigeat Nestoreos dies

Pulsis longius hostibus.

F R A N C I S C I F E R R E R I I A N C H I S A E

T A V R I N E N S I S.

Q V I D primum, sacra, aut postremum in S I N D O N E mirer?

An Caeli Regis vultum, traiecta q; telo

Pectora, transfixas clavis palmasque, pedesque

Ostendi, & fusum per vulnera dira cruorem?

Quae nec Apellai artifices, neque sinxit Arachne,

F

Sed

Sed peplo obductam Regis miserabile corpus ;
 Reddidit hæc simulacra sui ; tunc sanguinis atræ
 Fluxerunt guttæ , aternùm quas Lintea seruant :
 Ut foret in terris , omnes , Veneranda per annos ,
 Cælestis , vera effigies , atque unica , Regis .
 An longe quòd spectanti mihi cuncta pateſcunt ,
 At propius figenti acies , obscura recedunt ?
 Ac velut increpitant , quòd nos ratione ſagaci
 Scrutari , nostroque modo Cælestia facta
 Metiri , atque Deum contingere lumine claro
 Conemur , non ac potius fateamur homulli ,
 Quæ supra nostras vires , artemq ; videntur ,
 Diuino facilè arbitrio fieri omnia posse ,
 Atque ea suppliciter veneremur munera Diuini ?
 Carbasseam quid materiem , ac tenuissima lina
 Tantum cui superasse , & adhuc firmissima dicam ,
 Nec quisse aut flammis aboleri , aut æquore mergi ?
 Nec furto tolli , aut violari hostilibus armis ;
 Et quoties nostris , ac tota huc Orbe profectis ,
 Dum flentes manibus passis , & poplite adorant
 Submisso CHRISTI exuvias , ac Numen in illis ,
 Vota impleta ? palam est , & lumina reddita captis ,
 Et florem , deploratis , roburque inuenta ,
 Et quæ præterea , Clari Pingonis Alumnus
 Eloquio florens , intexit plurima chartis .
 Vera Dei proles , Deus ipse , atq ; unica Mundi
 Lux animis iter ad Cælestia limina monstrans ,
 Qui iusto , iniustus peperisti sanguine vitam ,
 Qui infanda hæc monumenta necis , monumenta laborum ,
 Atque tui pariter monumenta , & pignora amoris
 Liquisti , & Ducibus voluisti eadem esse Sabandis
 Propria dona , quibus tantum , tibi credere visum est :

Aspice

*Aspice quàm toto tibi seruit pectore CARLVS
EMANVEL, quaq; id munus pietate tuetur;
Da iuueni longamq; diem, sobolemq;, decusq;ue,
Hancq; tuis regere auspicijs fœliciter urbem,
Auertens diramq; luem, bellumq;ue, famemq;ue.*

Mam. G. M. A. F.

VEXILLVM augustum salue, quod quinq; decorum
Vulneribus, certam nobis portendis *gratiam*,
Purpura Diuino salue suffusa cruore,
Sacrata exuuia, spolia & ditissima CHRISTI,
Ingentis terris ingentia pignora amoris,
Atque aterna suæ mundo monumenta Salutis
Saluete: hanc CHRISTVS cœlesti sanguine pietam,
Imbutamque suo tabulam cecinisse videtur,
Dum se nobiscum per sæcula cuncta futurum
Edixit: meliore sui nam parte superstes
Nobiscum in terris, sacraq; in SINDONE uiuit.
Cumque olim lapsum in cineres exhauserit orbem
Ignis funereus, legio selecta Piorum
Horrendi sistet se Iudicis ante tribunal
Tuta sub auspicijs, atque omine SINDONIS alma,
Et sancti canet aternum præconia Tepli.

Philiberti A Coysia Camberiensis.

OSINDON celebris, Telaq; splendida,
Nobis diuitijs carior Indicis;
Quam pennata Poli syderei canens
Cingit perpetuò cohors.
Fortunata, tibi tangere, condere

F 2

Artus

*Artus ambrosios contigit, & sacro
Tingi cœlituum sanguine Principis,*

Et formam accipere illius.

In te membra palàm, captaque vulnera

Apparent: facies passa nefarios

Apparet colaphos, candidior prius

Vel Cygno, niue, lilio.

Apparet vepribus cinēta rubentibus

Cerui, purpureis sparsaq; riuulix

Dives Cæsaries, barbaq; nobilis

Auro fulgidior prius.

Apparent humeri verbera faucij,

Et pectus lacerum, brachia, erus, femur,

Transfixique pedes, & tenera manus,

Perforsumq; latus sacrum.

Te Tybris sitit, atque Eridanus colit,

Rhenique, & Rhodani flexilis accolæ

Visunt, & Ligeris dulcis, & Adria,

Potorque auriferi Tagi.

Te Reges nitidi, te quoque Cæsares

Scepbris depositis, & Diademate,

Elatisque animis, sedulo visitant,

Magna cum reuerentia.

Ad te confugiunt capti oculis, fera

Vexati podagra, febreque tabidi,

Implorant & opem suppliciter tuam

Errantesq; mari horrido.

Audis, nec renuis: mortis ab attrio

Accitos patriæ restituis preci,

Aestus pestiferos, & ravidam famem

Arces, das pluuiam satis:

Infernas acies corporibus fugas,

*Os mutis aperis, innocuos foveas,
Morbososque leuas, ac simul eripis*

Omni Dia periculo.

*Nonne incredulitas territa perditur?
Quid? nonne Impius, ut te aspicit, obstupet;
Infantes veluti cum tonitrum audiunt?*

Tantum robur inest tibi.

*Heus, hic Numen adest? Thura fragrantia,
Myrrhamq; Assyriam spargite, in athera
Multus spiret odor, iungite odoribus*

Fusas mente preces pia.

*O vera Effigies Calicolum Dei
Adsis Effigies Maxima, sub tuum
Nobis presidium confugientibus,
Nostrasq; aspice res fauens.*

I. A. VC.

I*Esus Almi certa fides Patris
Alti, relictis sedibus atheris,
(Vis tanta amoris) venit Ultro*

*Visere terrigenas iacentes,
Captosque ceco Tartarei videns*

*Serpentis astu, quos gemitus dedit?
Quid corde non hausit doloris?
Corpore non subiit pericli?*

*Vix è sacrata Virginis auree
Insignis aluo prodierat Puer,
Repente dementis Tyranni.*

*Dira sola fugit arma verso.
Exinde duris usque laboribus
Certare miro robare gestijt,*

Quot

Quot ille pugnans saeva in ipsis
 Vulnera vulneribus recepit ?
 Hec quo columnam carmine prosequar ,
 Caputque acutis sentibus oblitum ?
 Quo flagra tandem , purpureae
 Ludibrium memorabo versu ?
 Maiora restant ; Verum animus labat
 Mœrore fractus ; en tibi S I N D O N E
 In sacra, acres , seuique casus
 Purpureo varij cruore .
 Insultet ergo Bellua centiceps
 Quantumque possit perstrepat impius
 Iudeus , & cæco furore
 Hæreticus furiat protervus .
 Tu spem reduces mentibus anxijis
 Quæ es sacra terris (creditur) arduis
 Cuique Plebs optat decenter
 Festa pijs celebrare votis .

Eiusdem, Enigma.

Non sum , quod fueram , fueram quod sum , tamen esse
 Quod poteram , non sum , sumq ; , quod haud poteram .
 Sum , non sum ; possum , non possum ; moxque futurus
 Quod fueram , nec ero , nec fore non potero .

De Vrbe Camb. ad Ducem.

Vrbs tua clara fuit , sed nunc clarissima porro est ,
 Hac adeo clara , S I N D O N I S effigie .
 Non Cælo inuideat , Cælum sælicius ullum
 Haud videat , quàm quod S I N D O N I S Ora beant .
 Sydera , Luna , Deus , Cælestia Lumine replent ,
 En tibi in effigie hac , Sydera , Luna Deus .

M A-

S I N D O N
M A R I I P E T R I P I N G O N I I

47

Fr. quondam Nantuacen. Pr.

C O N D I D I T certis monimenta veri
Mysticis signis Opifex Supernus :
Liquit hæc tandem referata certæ
Signa Salutis.

Nonne Ioseph tunicam rubentem
Præbitam Iacob perhibent ocellis ?
Luxit, hunc tanquam Fera deuorasset :
Ast cruor hædi.

Gen. 37.

Pallio Vertex Elia reiectus ,
Cum pios vulgus iacubaret armis :
Pallij Virtus , populos domauit ,
Regibus unctis

3. Reg.
19.

Eestibus Samson , spolijsq; donat
Conscios vates , quibus obsecutus ,
Vir fidem seruat facilis , tamen
Fraude petitus .

Iudic. 14

Hæc eum tendunt , Genitum Tonantis
Deprimi terris , lacerumque tolli.
Liuor ó cæcus , dolus & suorum ,
Quosque redemit.

Hic Iosephi gerit innocentis
Ut typum , gestis Eliam præiuit ,
Ut refert C H R I S T V M tua dextra Samson ,
Cuncta potentem .

Quanta in ingratos Bonitas refusa .
Testis est S I N D O N maculata plagis .
Sed Pij S I N D O N eris ex trophæo
Numinis instar .

B E-

BEROLDI PINGONII FIL.

HAEC est indubitata veré imago,
 Nullis ficta coloribus, manuée.
 Sed quæ congelata, glutinata,
 Ac si sponte sua, siue arte fulgens,
 De sudore, cruore, de flagellis,
 Et de sentibus in caput reflexis:
 Quin conscia vulneris (Nephanidum)
 Quæ CHRISTVS Deus, atque Homo pudenter,
 In vili Cruce, ferre non refugit,
 Uno, proque Homine à Deo reiecto.
 Hac quæ cuncta refert verenda SINDON.
 Nunquàm quisquàm hominum refertur usquàm
 Hoc immane genus necis subissè,
 Quem post SINDONE conderet superstes.
 Non ad SINDONIS emulatiqnem,
 Tam crudele nephas patrassèt ullus.
 Exemplo sine, CHRISTVS vnus, ille est
 Passus talia, SINDONI inuolutus.
 SINDON vna igitur sit hæc, necessum est.



EXEMPLAR BVLLAE

I V L I I . PP.

IVLIVS Episcopus servus servorum Dei, ad perpetuam rei memoriam. Romanus Pontifex ad Apostolicę dignitatis apicem, sacramq; Petri sedem Diuina dispositione vocatus. Salubria vota fidelium, presertim Nobilium, sibi, & eidem sedi deuotorum, ex quibus immensa Dei miseratio super filios hominum, qui cum illi ex peccato primi Parentis captiui tenebantur sub lege mortis, & damnationis, mirabiliter altitudo Diuini consilij disposuit, vt filius Patris vnigenitus, in eadem substantia sibi coequalis, & eternus formam serui acciperet, & pro nobis languores & dolores nostros perferret in corpore suo, tanta dilectione, tantaq; magnitudinē amoris, iustis pro iniustis consiliatus, flagella, vulnera, spinas, contumelias sustinens, ligno Crucis affigeretur, sanguinem proprium effundens, factus obediens usque ad mortē: Ne sanguinis aspersiois, ac vulnerum, & dolorum, quę pro nostra redemptione sustinuit: tantiq; beneficij **CHRISTI** fideles, à Tartareis faucibus liberati, immemores videantur: cum pia compassione lachrimarum dignis laudibus recolitur. locaq; in quibus pretiosus, & verus ipsius **CHRISTI** sanguis, & imago conspicitur venerentur: ac gloriosa virgo **MARIA**, eius genitrix, quę pro peccatoribus sedulo, filio suo preces effundit, glorificetur: pro fidelium predictorum animarum salute, ad exauditionis gratiam libenter admittit, & ijs quę propterea per religiosas, & alias Ecclesiasticas personas ipsorum Nobilium ordinatione, ad ipsius Dei laudem, & gloriam facta fuisse dicuntur, libenter, cum ab eo postulatur, Apostolici adijcit muniminis firmitatem, ac statuit, & ordinat, prout in Domino cōspicit salubri-

G ter

ter expedire. Sanè exhibita nobis nuper pro parte dilecti filij, Nobilis viri Caroli Ducis, & dilectę in CHRISTO filię nobilis mulieris Claudię, quondam Philippi Ducis Sabaudię relicte, Ducissę, & eiusdem Caroli matris petitio, cõtinebat. Quod ipsi ad singularem, quem ad Ecclesiam, (Capellam sanctam nũcupatam, castri Camberiaci, Ducatus Sabaudię Grõnopolitanę. Dioc. quàm aliàs fęlicis record. Paulus PP. II. in Collegiatam erexit, & deinde pię mem. Sixtus PP. III. predecessores nostri, voluerũt Capellam sanctã appellari.) Ipsi gerunt, prout eorum antecessores Sabaudię Duces gesserunt, deuotionis affectum: maximè ob pręclarissimam SINDONEM, in qua ipse Dominus noster IESVS CHRISTVS in monumento positus, inuolutus fuit, & quę in quadam capsula argentea honorificè, & deuotè conseruatur, in qua, (prout idem Sixtus prędecessor, in quodam tractatu, quem composuit de ipso sanguinẽ,) affirmat quod ipsius IESV CHRISTI verus sanguis, & imago conspiciantur, & ad quam, ob tantę reliquię deuotionem & venerationẽ, pręsertim diebus quibus ipsa SINDON ostenditur, ac miracula quę in die inibi altissimus circa fideles ipsos pręfatę SINDONIS deuotos operatur, fidelium prędictorum multitudo confluit, solennitatem & officium ipsius SINDONIS per certos religiosos, aut alias Ecclesiasticas personas cum Missa, lectionibus, capitulis, versiculis, responsorijs, hymnis, & orationibus congruentibus & deuotis ordinari fecerunt, ac dilecti filij Decanus & Capitulum dictę Ecclesię, etiam pia deuotione ducti statuerunt, quod diebus Sabbati officium beatę MARIE Virginis, prout in Ecclesia sanctę Marię maioris de Vrbe celebratur, in ipsa Ecclesia, Capella Sancta nuncupata, solenniter pro Diuino officio celebretur. prout in ipsius officij SINDONIS ordinatione, quam in Cancellaria Apostolica diligenter inspicere, & omisissis signis, ac caracteribus de verbo ad

ad verbum presentibus inferi fecimus, continetur, & in statuto, & ordinatione Decani, & Capituli predictorum plenius dictis contineri. Quare pro parte Ducis, & Ducissę predictis nobis fuit humiliter supplicatum, vt ordinationis officij S I N D O N I S, diurni & nocturni, cum ipsius Missa, lectionibus, versiculis, responsorijs, capitulis, & orationibus suis, & alijs in eo contentis, necnon statuto, & ordinationi Decani, & Capituli predictorum, pro illorum subsistentia firmiori, robur Apostolicę cōfirmationis adijcere, dictamq; Ecclesiam, Capellam sanctam, sanctę S I N D O N I S nuncupari debere, Solennitatemq; seu festum dictę Sanctę S I N D O N I S in crastinum festiuitatis Inuentionis Sanctę Crucis: illiusq; officium predictum, ab omnibus & singulis subditis dicti Ducis celebrandum fore, statuere, & ordinare: aliasq; in premissis opportune providere de benignitate Apostolica digneremur. Nos igitur Sacri Apostolatus ministerio, licet immeriti, Superna dispositione preśidentes: attēdentes quod si sanctam Crucem; in qua ipse D. noster IESVS CHRISTVS pependit, & per quam redempti sumus; adoramus, & veneramur, dignum profecto videtur, & debitum, ipsam S I N D O N E M, in qua reliquię humanitatis CHRISTI, quam Diuinitas sibi copulauerat, videlicet, ipsius veri sanguinis, vt præfertur, manifesta conspiciantur, venerari, & adorare debere. Cupientes Diuinum cultum ubiq; vigere, & augere, fidelesq; ipsos, quos idem D. noster IESVS CHRISTVS in sanguine suo lauit, suo redemptori, eiusq; gloriosę genitrici, celebri festiuitate, in veneratione gratias, & laudes agere. Huiusmodi supplicationibus inclinati, ordinationem officij prefatę S I N D O N I S, diurni & nocturni, cum eius Missa, lectionibus, versiculis, responsorijs, capitulis, orationibus, & alijs in ea contentis, ac statutū & ordinationē celebrationis officij beatę MARIE Virginis, Decani, & Capituli predictorum, approbamus, &

confirmamus: & præsentis scripti præconio cōmunimus: sup-
 plentes omnes, & singulos defectus, si qui forsan interue-
 nerint in eisdem. Et nihilominus Ecclesiā præfatā Capellam
 sanctam sanctæ SINDONIS nuncupari, solemnitatēq; , seu fe-
 stum præfatæ sanctæ SINDONIS, in crastinum festiuitatis In-
 uentionis Sanctæ Crucis, ipsiusq; officium prædictū, ab om-
 nibus & singulis subditis dicti Ducis, fore celebrandum sta-
 tuimus, & ordinamus. Non obstan. constitutionib. & ordi-
 nationib. Apostolicis, ceterisq; contrarijs quibuscunq;. Te-
 nor vero officij sanctæ SINDONIS IESV CHRISTI. Ad Vesper-
 ras, supra Psalmos, Antiphona, Gaude felix læta Sabaudia,
 SINDONIS dabis mundo gaudia. Gaude tota mater Ecclesia,
 nouæ laudis agens solennia, Alleluya. Ceteræ Antiphonæ
 accipiuntur in Laudibus. Psalmi Vesperorū. Credidi ad Do-
 minum. Eripe me domine. Clamaui voce mea, Capitulum.
 Acceperunt Ioseph, & Nicodemus corpus IESV, & liga-
 uerunt illud linteis, cum aromatibus, sicut mos est Iudeis
 sepelire. Deo gratias. Hymnus. Gaude mater ecclesia, lætam
 agens memoriam, quæ SINDONIS solennia, mittis ad Celi
 curiam. Ioseph relicto palio, liber fugit, noua arte derelicto-
 iam linteo, CHRISTVS surrexit a morte. Aurum in petra la-
 tuit, vt Sol fulgens sub modio, CHRISTVS iacuit triduo, sic
 inuolutus SINDONE. lectus regis Salomonis, Cella plena
 aromatum, vellus fufum Gedeonis, hortus clausus carisma-
 tum. Tempore Paschali. Quæsumus auctor omniū. Tempore
 Ascensionis. Memento nostrum. Vers. In hac sancta SIN-
 DONE adoramus te Domine, Alleluya. Resp. Tuam glo-
 riosam recolimus passionem, Alleluya. Ad Magnificat. Pon-
 tifex sacerdos maximus, super cuius caput fufum est vnctio-
 nis oleum, & cuius manus in Sacerdotio consecratæ sunt, ve-
 stitus est sanctis vestibus, Allel. Oꝛo. Omnipotens sempiter-
 ne Deus, qui in memoriam passionis vnigeniti filij tui, sanctā
 eius

eius SINDONEM, cum expressa ipsius effigie, venerandam reliquisti in terris, tribue quæsumus nobis, vt per virtutem eiusdem sanctæ SINDONIS, faciem tuam contemplari mereamur in cœlis; Pereunde. n. dominū. Ad matutinas, Inuitatorium. CHRISTVM regem, in sepulcro inuolutum SINDONE, Venite adoremus, Alleluya. ps. Venite. Hymnus, vt in Vesperis, Gaude mater. In primo nocturno, Antiphona. Rebecca colli Iacob, nuda contextit, virgo filium pannis Inuoluit. Alleluya. ps. Cum inuocarem. Antiphona, Rahab sub ligno explorantes abscondit: plebs fidelis CHRISTI effigiem linteo impressam suscepit. Allel. ps. Domine quis habitabit. Antiphona, Samuel accinctus Ephod, linteo ante faciem Domini ministrabat. CHRISTVS præcinctus linteo discipulorum pedes lauabat. Alleluya. ps. Conserua me. Vers. In hac sancta SINDONE adoramus te domine. Allel. Resp. Tuā gloriosam recolimas passionem, allel. Sanctus Thomas de Aquino, super quatuor Euangelistis, ex Varijs ecclesiæ Sacris doctoribus, lectio prima. Postq̃ Euangelista Matheus (vt glosa ait) retulit ordinē Dominicę passionis, & mortē: nunc agit de eius sepultura, dicens. Cū autē vespere factū esset, venit homo quidā diues ab Arimathia, nomine Ioseph, qui & ipse discipulus erat IESV. Vt autem Rhemigius super Matheum ait, Arimathia ipsa est Ciuitas Samuelis, quæ sita est in regione Chanamanea, iuxta Diespolim, quæ secundum Hieronymum super Marcum, interpretatur, deponens. De qua fuit Ioseph, qui venit ad deponendū corpus CHRISTI de Cruce. hic autem, teste Rhemigio, secundum Seculi statum, magnę fuit dignitatis, sed multo maioris meriti apud Deum fuisse, laudatur, Si quidem iustus fuisse describitur. Decebat quippe eum talem existerē, qui corpus Domini sepeliret, quātus per iustitiam meritorum dignus esset tali officio. Et secundum Bedam, super Marcum. per nobilitatem

ratem potentia Secularis, facultatem posset obtinere ministrandi. Ideo dicitur q̄ erat nobilis Decurio, expectans regnum Dei. Decurio autem vocatur, quia sit de ordine Curie, & officium Curie administraret. Nō enim quilibet ignotus, aut mediocris, ad Præsidentē Romanæ potestatis accedere poterat, & Crucifixi corpus impetrare. Vt autē in alio Euangelio ait Hieronymus. Ioseph iste Boulites appellatur, id est consiliarius, siue vir magni consilij, quia non acquieuit Iudeorum prauo consilio, de quo quidem putant primum Psalmum fuisse compositum. Beatus vir qui non abiit in cōsilio impiorum. Tu autem Domine. Resp. Mulier sapiens operata est opere manuum suarum, digiti eius apprehenderunt fusum, Sindonem fecit, & vendidit. Allel. Vers. Hanc iustus Ioseph ab Arimathia, mercatus est SINDONEM, quam fecit. Lectio secunda. Marcus, prouide in Euangelio ait Ioseph autem mercatus est SINDONEM, & deponēs eum inuoluit in SINDONE. Super quē Hieronymus, in Omelia ait, Pretiosum corpus, pretiose sepeliens, cum esset discipulus Domini, sciebat qualiter corpus Domini honorari deberet. Idem uero super Marcum: Ex simplici sepultura Domini, Ambitio diuitū condemnatur, qui nec in tumulis quidem possunt carere diuitijs. Possumus autem iuxta intelligentiam spiritualem & hoc sentire, q̄ corpus Domini non auro, non gemmis, non serico, sed linteamine puro obuoluendum sit. quamq̄ & hoc significat, q̄ ille in SINDONE munda inuoluit IESVM, qui pura mente eum susceperat. Vel aliter, secundum Remigium. quia Sindon lineus pannus est, linum autem ex terra procreatur, & cum magno labore ad candorē perducitur, quod designatur, q̄ corpus illius, quod ex terra, id est ex Virgine sumptum est, per laborem passionis, peruenit ad candorem immortalitatis. Tu autem. Resp. Noë nudatus iacuit, quod cum uidisset Cham, patrem deridens, nūciauit fratribus suis, Sem,

Sem, & Iaffet, qui palio operuerunt eum. Allel. Verf. Quem
Indei nudauerunt, Ioseph, & Nicodemus, in SINDONE munda
inuoluerunt. Qui palio, Lectio III. Hinc autem (vt Ra-
banus ait) Ecclesie mos obtinuit, vt sacrificiū altaris, non in
serico, neq; in panno tincto, sed in licio terreno celebretur,
vt a beato PP. Siluestro legimus esse statutū. Secundum autē
Hilarium, Iusticie Ioseph Apostolorum habet speciem, hic in
munda SINDONE corpus inuoluit quidem, in linteo repe-
rimus, de Cælo ad Petrū, vniuersorum animantiū genera sub-
missa: ex quo intelligitur, sub lintei illius nomine, consepe-
liri CHRISTO Ecclesiā. Vt autem ait Origenes, non fortuito
scriptum est, quoniam inuoluit corpus in SINDONE munda,
& posuit in monumento nouo, & aduoluit lapidem magnū.
quoniam omnia quę sunt circa corpus IESV, munda sunt, &
noua, & omnia magna valde. Tu autem. Respon. Cecidit
super Petrum mentis excessus, & vidit cœlum apertum, & de-
scendens vas quoddam, velut lintheum magnum quatuor ini-
cijs submitti de cœlo in terram, Allel. Verf. In huius quippe
lintei nomine, CHRISTO consepelitur Ecclesia. Allel. Verf.
Gloria patri. Allel. In secundo nocturno, Antiphona, posuit
Moyles velamen super faciem suam. Milites vero velauerūt
faciem CHRISTI, & conspuentes colaphis eum ceciderunt.
Allel. ps. Domini est terra. Antiphona. Samson viros vesti-
bus spoliavit. Ioseph vero ab Aramathia CHRISTVM in SIN-
DONE munda inuoluit. Allel. ps. Dominus illuminatio. An-
tiphona. Tulit mulier velamen, & posuit super os putei. Io-
seph vero aduoluit saxum magnum ad ostium monumenti.
Allel. ps. Exaltabo te Deus. Verf. Ioseph & Nicodemus ac-
ceperunt corpus IESV. Allel. Resp. Et ligauerunt illud lin-
teis, cum aromatibus. Allel. Lectio 4. Sequitur in Euangelio
Marci, & posuit eum Ioseph in monumento, quod erat ex-
cisum in petra, & aduoluit lapidem ad ostium monumenti.

Vnde

Vnde (ait Hieronymus) sepultura **CHRISTI**, resurgimus de censione eius ad Inferos, nos ascendimus ad Cœlos. huic enim (vt in libro Iudicum dicitur) inuenitur mel in ore Leonis mortui. Theophilus, vero vos admonet, dicēs: incitemus in nos Ioseph, recipientes **CHRISTI** corpus per vnitatem, & ponamus illud in monumento exciso de petra, in anima, memorante, & non obliuiscēte Deum. illa enim anima ex petra excisa est, id est, ex **CHRISTO**, quę continet firmitatem. Inuoluere etiam debemus ipsum in **SINDONE**, id est, in corpore puro suscipere, **SINDON** namq; est corpus, quod est corporis indumentum: decet enim non solum puram animam corpus **CHRISTI** suscipere, sed in corpore puro. Inuoluere autem oportet, sed non aperire, nam secretum clausum est, & occultum. Tu autem. Resp. Daniel leuauit oculos suos, & ecce vir vnus vestibus lineis, & renes eius accincti. Allel. Vers. Hunc Ioseph & Nicodemus ligauerunt lineis, cum aromatibus, sicut mos est Iudeis sepelire. Et renes. Lectio v. Quia vero (vt ait Chrysostomus) breuitate temporis vrgebantur, nona enim hora, mortuo **CHRISTO**, deinde accedentibus ad Pilatum, & deponentibus **CHRISTI** corpus, vespera imminebat, ideo posuerunt eum in proximum monumentum: Vnde subditur, erat autē in loco vbi crucifixus est, hortus, & in horto monumentū nouū, in quo nō q̄squam positus fuerat, q̄ Diuina dispensatione factum est, ne alterius alicuius qui cū eo iaceret, existimaretur resurrectio facta esse: sicut etiam (vt ait Augustinus) in **MARIAE** virginis vtero, nemo ante illum, nemo post illum susceptus est. per hoc etiam (secundum Theophilum) quod nouum fuit sepulchrum, datur intelligi, quod p̄ **CHRISTI** sepulturā, omnes innouamur, morte, corruptione destructa. Attende etiā eū abundantia p̄ nobis suscipere paupertatis, nā qui in vita domum non habuit, post mortem quoq; in alieno sepulcro

pulchro reconditum, & à Ioseph operitur. Tu autē. Resp. Sapientia itragulataq; vestem fecit sibi, bislus, & purpura vestimentum eius, S I N D O N E M fecit, & vendidit, & angulum, tradidit Cananeo. Alleluia. Vers. Ioseph deponēs eum inuoluit S I N D O N E, & posuit in monumento. Et angulū. Lectio vj. Postea sequitur, ibi, ergo propter Parasceuem Iudæorum, quia iuxta erat monumentum, posuerunt IESVM. Vbi Augustinus ait, acceleratum, vult intelligi sepulturam, ac vesperasceret, quando iam propter Parasceuem, (quam cœnam Iudæi, Latini, conuiuium vocant,) facere aliquid non licebat. propinquum autem, (secundum Chrysostomum) fuit sepulchrum, vt discipuli possent, cum facultate accedere, & cōsideratores fieri eorū, quę futura erant in resurrectione, & non solum ipsos, sed vt etiam inimici tunc testes sepulturę essent, custodiētes sepulchrum, & vt falsus ostenderet is, qui erat de furto sermo. Iustitię, autem Ioseph, apud Bedam aptè, interpretatur per acceptionem boni operis: quo monemur, vt corpus Domini dignè percipere mereamur. Hinc Theophilus ait, tunc etiam quodammodo CHRISTVS apud auaros mortificatur in paupere famem patiente. Esto ergo Ioseph, tege CHRISTI nuditatem non semel, sed in tuo tumulo spiritali considerando reconde, & cooperi, & misce mirram, & aloem amaricantia, considerando vocem illam, Ite maledicti in ignem æternū, quia nihil amarius existimo. Tu autē. Resp. Quis est iste qui venit de Edon, tinctis vestibus de Bosra, sicut calcantium in torculari? Iste formosus in stola sua, gradiens in multitudine virtutis suę. Alleluia. Vers. Milites exuerunt illum purpura, quem Ioseph, & Nicodemus sepelierunt in S I N D O N E munda. Iste formosus. Gloria patri. Allel. In tertio nocturno, Antiphona, Apprehenderunt, Philistini Sanson, & vinctum catenis clauferunt in carcere, Quem Ioseph & Nicodemus ligauerunt linteis, & posuerunt in

H monu-

monumento. Alleluia. Psal. Deus in nomine. Antiphona, Rex Babilonis Sedechiam regem uinxit compedibus, & posuit in domo carceris. Pilatus autem ait, Ite custodite sicut scitis. Alleluia. Psal. Notus in Iudæa Deus. Antiphona, Missus est Hieremias cæsus in carcerem. Abientes autem principes Sacerdotum, miserunt, sepulchrum signâtes cum custodibus. Allel. ps. Domine Deus salutis. Vers. Ioseph accepto corpore inuoluit illud in SINDONE. Alleluia. Resp. Et posuit illud in monumento suo nouo, quod exciderat in petra. Alleluia. Lectio vij. Secundum Ioannem. In illo tempore. Rogauit Pilatû Ioseph ab Arimathia, eo quod esset discipulus IESV, occultus autem propter metum Iudæorum, vt tolleretur corpus IESV, & permisit Pilatus. & reliqua. Expositio Euāgelij ex varijs Ecclesię sacris Doctoribus. Vt enim Chrysostomus in Omelia ait, Existimans Ioseph extinctum esse Iudæorum furorem, CHRISTO crucifixo, cum fiducia accessit ad Pilatû, vt deponendum funus procuraret, eo quod esset discipulus IESV, non ex duodecim, sed ex septuaginta. sed quomodo nullus ex duodecim, & si timorem Iudæorum quis pro causa assumpserit, hic eodem detinebatur timore, vnde dicitur, occultus autem propter timorem Iudæorum. Vt autem Græcus super Lucam, fuerat quandoq; Ioseph occultus CHRISTI discipulus. denique vinculum timoris rumpens feruentior factus, Dominicum corpus, turpiter pendens, à ligno deposuit, comparans pretiosam margaritam, verborum modestia. Et secundum Marcum, Audacter introiuit ad Pilatum, & petijt corpus IESV. super quo Theophilus ait. Audet autem laudabilem, non enim excogitauit a diuitijs decidam, & expellat à Iudæis, si corpus petam eius, qui est blasphemus. condemnatus. hinc & in Omelia Hieronymus. Inspice huius viri fortitudinem, in mortis enim periculum se tradidit, inimicitias omnes assumens, propter beneuolentiam CHRISTI & non

& non solum audet corpus CHRISTI petere, sed & sepelire: unde sequitur, & accepit corpus IESU, & inuoluit eū in SINDONE munda. Augustinus verò de concordantia euangelistarum ait, In extremo illo officio funeri exhibendo, minus curauit de Iudæis, quamuis soleret in Domino audiēdo, corū inimicitias deuitare. Hinc Beda in Omelia ait, sedata quacunq; Iudæorum scuitia, eo quòd se aduersus CHRISTVM præualuisse gaudebant, corpus CHRISTI perijt Ioseph, quoniam non videbatur causa discipulatus, sed pietatis venisse, vt funeris officium impēderet, quòd homines nō solum bonis, sed etiam malis solent impendere. Tu autem Domine. Resp. Videntes Ioseph fratres eius, nudauerunt eum tunica talari, & polluta, quam in sanguine hœdi tinxerūt, miserūtq; eum in cisternā. Alleluia. Resp. Erat autem tunica inconsutilis desuper, contexta per totum. Miseruntq;. Lectio viij. adiungitur autem ipsi Ioseph, secundum Bedam, Nicodemus; unde sequitur, venit autem & Nicodemus, qui venerat ad IESVM nocte primum, ferens mixturam mirrhę & aloes, quasi libras centum. Vbi Augustinus ait, non ita distinguendum est, vt dicamus primum ferens mixturam mirrhę, sed vt quod dictum est primum, ad superiorem sensum pertineat. venerat enim ad IESVM Nicodemus nocte primum: quòd idem Ioannes narrauit in prioribus Euangelij sui partibus, hoc ergo intelligendum ad IESVM, non tunc solum, sed tunc primum venisse Nicodemum, venisse autem postea vt fieret audiendo discipulus: fuerunt autē pigmenta, quę maximè ad corpus apta sunt, quę plurimū cōseruare solent & nō pmittere cito subijci corruptioni. adhuc enim vt de nudo homine disponebāt, sed tamen nullam dilectionem demonstrabant. Tu autem. Resp. David accinctus Ephor lineo obtulit holocausta corā Domino, & pacifica quem Micol filia Saul humilitatē prospiciens despexit. Allel. Vers. Prætereuntes blasphemabant eū,

mouentes capita sua; quem Micol. Lectio 8. Sequitur autem
 vt Euangelista, ait, Acceperunt ergo corpus IESV, & ligaue-
 runt eum linteis, sicut mos est Iudeis sepelire. Super quo
 Augustinus ait, Euangelista admonuit in huiusmodi offi-
 cijs, quæ mortuis exhibentur, morem cuiuscunque gentis esse
 seruandum: erat autem illius gentis consuetudo vt corpora
 mortuorum varijs aromatibus condirentur, vt diutius serua-
 rentur illæsa: hinc idem, de concordantia Euangelistarum ait,
 neque autem hîc Ioannes alijs repugnat, neque enim illi qui
 Nicodemum tacuerunt, affirmauerunt à solo Ioseph Domi-
 num sepultum, quamuis solius commemorationem fecerunt.
 aut quia illa vna SINDONE à Ioseph inuolutum dixerunt, pro-
 pterea prohibuerunt intelligi, & alia lintea potuisse afferri à
 Nicodemo, & superaddi, vt verum narret Ioannes, quòd nō
 vno linteo, sed linteis inuolutus sit, quamuis & præter Suda-
 rium, quod capiti adhibebatur, & institas fuisse quibus corpus
 totū alligatū esset, & quia omnia de lino erant, etiā qđ vere
 SINDON ibi fuit, veracissimè dici potuit: ligauerunt linteis,
 lintea quippe generaliter dicuntur, quæ lino texuntur. Tu au-
 tem. Resp. Ingressus Aaron tabernaculum, vt olocausta of-
 ferret super altare Domini, pro peccatis filiorum Israel. tu-
 nica linea indutus est. Allel. Vers. CHRISTVS Sacerdos in æter-
 num, secundum ordinem Melchisedech. Tunica linea. Vers.
 Gloria patri. Alleluia. Te Deum laudamus. Vers. Tuam san-
 ctam SINDONEM adoramus Domine. Alleluia. Respon. tuam
 gloriosam recolimus passionem. Alleluia. In laudibus. Anti-
 phona. Adfunt honestę SINDONIS læta solennia, pulsu Psal-
 terij plaudat Ecclesia. Alleluia. Psal. Dominus regnauit, An-
 tiphona. in Helię pallio, & Sāsonis spolio, SINDON demōstra-
 tur, Allel. ps. Iubilate. Antipho. Bis si stola scinditur, CHRIS-
 TVS lino regitur, sepulchro locat. Alleluia. Psal. Deus Deus
 meus. Antiphona. Aurum latet occultatū, sidus iacet obum-
 bra-

bratum, granum tegit palea. Alleluia. Psalm. Benedicite. Antiphona. Veste nudum crucifigunt Iudæi, quem sepeliunt Ioseph & Nicodemus. Alleluia. Psalmus. Laudate Dominum de cœlis. Capitulum. Acceperunt Ioseph. Hymnus. Hymnum nouæ lætitiæ, dulci productum cantico, chorus depromat hodie linteo Dominico. Petra in petra latuit, vermis fuit & non homo, leo prostratus iacuit, CHRISTVS repositus in humo, concha plena aromathum, testa nardi concassata, latet Sidus obumbratum, margarita concultata, granum mundum à palea, corpus iacet examine, vellus siccum in area, cadit Deus pro homine. Tempore Paschali. Quæsumus. Tempore Ascensionis. Tu esto. Vers. Introiuit Petrus in monumentum, & vidit linteamina posita, Alleluia, Alleluia. Resp. Et Sudarium quod fuerat super caput eius, Alleluia, Allel. Ad Benedictus. Antiphona. Heliseus in sepulchro mortuū suscitauit, CHRISTVS sua mortē hominem à peccati morte liberauit, Alleluia. Psal. Benedictus Deus Deus Israel. Oratio, vt in vesperis. Ad primam, Antiphona. Adsunt honeste SINDONIS. Ad Tertiam, Sextam, & Nonam, Antiphonæ. Laudum. Ad Tertiam, Capitulum, Acceperunt Ioseph. Resp. Tuam sanctam SINDONEM adoramus Domine, Alleluia, Allel. Vers. Tuā gloriosam recolimus passionē. Resp. Alleluia, Allel. Vers. Gloria patri. Resp. Tuam sanctam. Vers. Ioseph & Nicodemus acceperunt corpus IESV, Alleluia. Resp. Et ligauerunt illud linteis cum aromatibus, Alleluia. Ad Sextam. Capitulum. Accepit corpore, Ioseph inuoluit illud in SINDONE munda, & posuit illud in monumento suo nouo, quod exciderat in petra. Deo gratias. Respon. Ioseph & Nicodemus acceperunt corpus IESV. Alleluia, Alleluia. Vers. Et ligauerunt illud cum aromatibus. Resp. Allel. allel. Vers. Gloria patri. Res. Ioseph. & Ad Nonā. Capitulum. Ioseph autem mercatus est SINDONEM, & deponens eum inuoluit SINDONE, & posuit eum in

in monumento, quod excisum erat in petra. Deo gr̃as. Resp. Ioseph accepto corpore inuoluit illud in SINDONE munda, Alleluia, Alle. Vers. Et posuit in monumento suo nouo, quod exciderat in petra. Resp. Alleluia. Vers. Gloria patri. Resp. Ioseph accepto. Vers. Introiuit Petrus in monumentum, & vidit lintheamina posita. Allel. Resp. Et SVDARIUM quod fuerat super caput eius, Alle. Ad Vesp. Antiphonę laudum, Psalmi, & Hymnus, vt in primis Vesperis. Ad Magnif. Antipho. Cum mortuus fuerit Sacerdos magnus, tēpore illo reuertē fugitiuus, & ingreditur Ciuitatē, & domū suā, de qua fugerat. Allel. ps. Magnificat, Oratio. Op̃s sempiternę Deus. Missa s̃c̃tę SINDONIS. Introitus. Respice Domine de excelsis in faciem CHR̃ISTI tui, sancto velatam SVDARIO, & non recedant ab oculis cicatrices eius in perpetuum. qui sibi obediens factus est vsque ad mortem. Vers. Signatum est super nos lumen vultus tui Domine, dedisti latitiam in corde meo. Vers. Gloria patri. Oratio. Omnipotēs sempiternę Deus. vt supra. Quinta Lectio, libri Genesis: In diebus illis, tulerūt tunicam Ioseph fratres eius, & in sanguine hœdi, quem occiderant, tinxerunt, mittentes qui ferrent eam ad patrem, & dicerent, hanc inuenimus, vide vtrum tunica filij tui sit, an non? quam cum agnouisset pater, tunica filij mei est, fera pessima comedit eum, bestia deuorauit Ioseph, scissis vestibibus, indutus est cilicio, lugens filium multo tempore, congregatisque cunctis liberis eius, vt delinirent dolorem patris, noluit consolationem accipere, descendam ad filium meum lugens in Infernum. Resp. Mulier sapiens SINDONEM fecit, & vendidit, quam Ioseph ab Arimathia mercatus est. Vers. Venit Nicodemus cum aromatibus mirrhę, & aloes, & sanctum sancto recluserunt sepulchro. Alleluia. Vers. Adoramus in nomine tuo CHR̃ISTE, tuę victoriosę crucis vexillum, tuum diadema spineum, tuam sanctam SINDONEM, tuos rubentes

tes sanguine clauos, ac tuo sacro lateri immerfam lanceam.
 Tempore Paschali. Alleluia. Vers. Surrexit CHRISTVS de
 sepulchro, derelicto Sudario, qui pro nobis pepēdit in ligno.
 Tempore Ascensionis, Alleluia. Ascendens CHRISTVS tra-
 ctus. In Septuagesima. Ego dixi in dimidio dierum meorum
 vadam ad portas Inferi. Vers. Quæsiui residuum annorum,
 meorum, dixi nō videbo Dominum Deum in terra viuentiū.
 Vers. Non aspiciam hominem ultra, & habitatorem quietis.
 Vers. Generatio mea ablata est, & conuoluta est à me, quasi
 tabernaculum pastorum. Vers. Præscisa est velut à texente
 vita mea, dum adhuc ordire, succidit me, de mane vsque ad
 vesperam finies me. Vers. Sperabam vsque ad mane, quasi
 leo sic contriuit omnia ossa mea. Vers. de mane vsque ad ve-
 speram finies me. Sicut pullus hirundinis, sic clamabam, me-
 ditabar vt columba. Prosa. Plaudat cœli Ierarchia, noua so-
 net harmonia, pulsa millenario, hinc cōcordet in hac via, no-
 stri chori melodia, pro sacro linteamine. Ioseph fratres de-
 uestitum, vendunt, mittunt in Aegyptum, pro somnij crimi-
 ne, luget Iacob deuoratum, cernens Ioseph vestimentum,
 tinctum hœdi sanguine, in Hellie pallio, & Sansonis spolio,
 SINDON præmonstratur. Bissi stola cingitur, CHRISTVS li-
 no tegitur, sepulchro locatur. Exit cibus de edente, fauus mel-
 lis de iacente, & dulcedo de forti. Rahab sub lino abscondit,
 quem virgo pannis inuoluit, CHRISTVM tradendum mor-
 ti tegunt patrem Sem, & Iafet, quem Cham ridet, dum sic
 iacet. condant Noë racemus. veste nudum crucifigunt, Iudæi
 quem sepeliunt Ioseph & Nicodemus, SINDON per quam
 gaudia foelix iam Ecclesia sumens exaltatur: montem nubes
 operit, Deum SINDON contegit, homo sublimatur. Aurum la-
 tet occultatum, sidus iacet obumbratum, granum tegit pa-
 lea. Radix CHRISTVS dum marcescit, ramus homo tunc vi-
 rescit, salua Dei Idea: Gaude fœlix Sabaudia, Gaude tota Ec-
 clesia, nouę laudis gloria. Artus fracti solidantur, egri currūt,
 & cu-

& curantur, virtutum frequentia. Rea pete suffragia, clama
 voca auxilia Plebs nimis egena: ergo laudes p linteo CHRIS-
 TI demus vestigio, idque voce plena. Tua morte suscita-
 tos, bone IESV, & redēptos, prece serua sedula. Apud thronū
 Dei patris, cum precibus tuæ Matris, commenda per secula.
 Amen. Euangelium secundum Ioannem. In illo tempore ro-
 gavit Pilatum Ioseph ab Arimathia, eo quod esset discipulus
 IESV, occultus ppter metum Iudæorum, vt tolleretur corpus
 IESV, & permisit Pilatus. Venit ergo, & tulit corpus IESV. ve-
 nit autem & Nicodemus, qui venerat ad IESVM nocte primū,
 ferens mixturam mirrhę, & aloes quasi libras centum, accepe-
 runt ergo corpus IESV, & ligauerunt eum linteis cum aroma-
 tibus, sicut mos est Iudæis sepelire. Erat autem in loco vbi
 crucifixus est, hortus, & in horto monumentum nouum, in
 quo nondum quisquā positus fuerat, ibi ergo propter Para-
 sceuem Iudæorum, quia iuxta erat monumentum, posuerunt
 IESVM. Offertorium. Ingressus Aaron tabernaculum, vt holo-
 caustum offerret super altare Domini, pro peccatis filiorum
 Israel, tunica linea indutus est. Tuā clementiā inuocantibus
 Domine. Præfatio. qui salutem. Secreta. Accepta tibi sunt o
 Domine, virtute sanctę SINDONIS hæc munera, cui p mundi
 salute, accepta extitit filij tui passio gloriosa, p eūdē Domi-
 nū nostrū. Cōio. Accepto corpore Ioseph inuoluit in S I N-
 DONE mūda, & posuit in monumēto suo nouo, q exciderat
 in petra. Post cōi. Satiasti Domine in via familiā tuā muneribus
 sacris: quęsumus vt p virtutē sanctę SINDONIS, facie tua
 in Patria nos satiare digneris. Per dñm nostrū. Deo grās. Nul-
 li ergo &c. hāc nostrę approbationis, cōfirmationis, cōmuni-
 tionis, suppletionis, statuti, & ordinationis paginā infringe-
 re. &c. Si q̄s autē attentare præsumpserit indignationē Dei
 omnipotētis &c. *Dat. Romę apud Sanctum Petrum, anno Domini*
M. D. VI. viij. Kalen. Maij, Pontificatus nostri anno tertio.

Impendente Bulla plumbea.

65
FRANCISCI ADORNII

GENVENSIS,
SOCIETATIS IESVITARVM.

Epistola qua Peregrinatio

AB ILLVSTRISSIMO CARDINALI


Sanctæ Prædis suscepta exponitur,

Cum ad inuiscendum sacrum Linteum Augustam Taurinorum se contulit.

E' COMMVNI ITALICO IN LATINVM A IO.

ANTONIO GVARNERIO CANONICO

Bergomensis conuersa.



QVOD mihi exploratum erat, Venerande Pater, pro tuo summo in Carolum Borromeum Cardinalem S. Prædis studio, & singulari obseruantia, tibi non solum pergratum & periucundum futurum, si quæ is in peregrinatione gessisset, cum se Augustam Taurinorum ad inuiscendum sacrum Linteum contulit, cognouisses; sed etiam lætos & vberes fructus ex ea re capturum; occasionemq; habiturum, qua alijs plurimis eandem vtilitatem, & lætitiâ impertire posses; foreq; intelligebam, vt hæc omnia ad Dei laudem & gloriam reuocarentur: ommittendum non putaui, quin, quantum meminisse possem, rem omnem, vt gesta erat, ordine perscriberem. Allobrogum Ducibus claritate generis antiqui, vetustaq; fama gentis Sabaudæ, & magnitudine imperij, quo magnam Galliæ, & non exiguam partem Italiæ ad hoc vsq; tempus obtinnerunt, nobilissimis, singulare hoc pietatis Insigne, & amplissimus Thesaurus, sacri Lintei, in quo Dominum nostrum

I strum

strum Iesum Christum inuolutum sepultum fuisse Euangelistę tradunt, nonnullis ab hinc seculis partus est. Incredibili quadam ratione, & omnium iudicio admirabili Seruatoris nostri imaginem expressam in eo licet intueri: quę partim augustissimo sanguine figuratur; partim quantum licet conijcere, pretiosissimis vnguentis; quibus Dominus noster, prius quàm humaretur, vnctus est. pars corporis prior & posterior mirabiliter discernuntur. quamuis autem forma totius rei expleta, perfectaq; integris lineamentis non definiatur: tamen singulę corporis partes membrorum figura, optimè dijudicantur: loca vbi corona ex spinis intexta, vbi vulnus lateri inflictum, precipueq; vbi manus clavis confixę hæserint, distinguuntur. Dictu mirabile est, quę commotio intimorum sensuum, cùm sacram & diuinam illam effigiem intueremur, nos occupauerit. præ pietate & religioso, quo compūgebamur, animi studio, lachrymę contineri vix poterant. Familiam Lusignanam regnum Cyprium & Hierosolymitanū multos quondam annos obtinuisse memorię proditum est. ex ea Carolotta orta postrema in Cypro regnauit. hæc Ludouico alterius Ludouici filio Allobrogū, quos Sabaudienfes appellāt, Duci in matrimonium collocata, familiā hanc: & Gazę regię & regni Cyprij reliquit heredem. hinc in inclytam hanc domum præclarissimum & sacrum hoc monumentū peruenisse superiores Duces à suis accepere, & eius rei memoriā per manus traditam, posteritati reliquere. nonnulli etiam insulam Rhodum à Turcis maxima multitudine circumfessam vehementissimeq; oppugnatam Amadeum Allobrogum Comitem summis obsidionis periculis eripuisse, & conseruasse ferunt: ob eamq; causam cum cruce alba, qua ille sua ipsius insignia exornauit, tum sacro Linteo à summo equitum Hierosolymitanorum Magistro, qui animum memorem & gratum in
be-

benemerentem præstare studuit, donatum fuisse. Multi præ-
 terea Summi Pontifices literis hoc esse præclarum & diuinum
 illud Linteum, de quo supra diximus, testati sunt. in ijs Xistus
 iij. qui theologiæ scientia floruit, in opusculo, quod de cor-
 pore & sanguine Christi confecit, hoc esse verum illud Lin-
 teum, in quo sanguinis veri vestigia, & signa, immo sanguis
 ipse extaret, commemorat. Primus Episcopus Cabilonensis,
 qui cxxx. ante annis loca, quibus sanctorum corpora, & va-
 riæ reliquiæ continerentur, persecutus est, huius sanctissimi Lin-
 tei præcipuam mentionem facit. Plurima quoque miracula, sa-
 cri Linteï vim, nobilitatemque declarant; quæ grauissimis, cer-
 tissimisque monumentis testata, & Chamberij, & Augustæ
 Taurinorum in publicas tabulas relata passim celebrantur.
 in ijs illud insigne memorandumque visum est; nam cum qua-
 draginta, aut quinquaginta ab hinc annis, incendium in sa-
 cello, vbi sacrum Linteum situm erat, casu ortum esset; sicque
 omnia ignis absumpsisset, vt non solum cætera flammis, rui-
 nisque equarentur, sed lapides ipsi in calcem redigerentur;
 atque capsula ipsa in qua Linteum collocatum erat, flagrans
 canderet: Linteï quidem nonnullæ exiguæ partes incendio
 sunt deformatæ; sed cum ad Seruatoris figuram ignis per-
 uenit, veluti restinctus constitit, integraque imago, vt adhuc
 videmus, remansit, & incorrupta: summo in honore, & ma-
 gna in veneratione sacrum Linteum habitum est, tum, cum
 Galli & Allobroges à nefarijs & fallacibus hereticorum do-
 ctrinis auersi, nihil de antiqua pietate & religione remise-
 rant: tum certis & statis diebus Linteum spectandum pro-
 mebatur, atque ex prouincijs, oppidis, vicis, & agris magni
 concursus venerandi eius causa fiebant. has inclytas reliquias
 fama nobilitatas, summus ille Galliæ Rex Franciscus primus
 visendas putauit; Lugdunoque profectus pedibus Chambe-
 rium petijt: templumque piè & religiosè ingressus, sacrum

Linteum veneratus est. Eadem pietate & religione prædi-
 tus Carolus regnantis nunc Ducis pater, cum duodecim vi-
 rorum comitatu Augusta Taurinorum Chamberiacum op-
 pidum, hoc exemplo memorabili, quod quatruidui viam
 aberat, pedibus iter fecit, vt sacrum Linteum venerabundus
 inuiferet. Vnde Cardinali huius peregrinationis occasio sit
 oblata, altius ordiemur. Erat Emanuel Philibertus Allobro-
 gum Dux, bellicis laudibus, & iustitiæ, pietatisq; gloria in-
 signis. ceperat hunc admiratio Cardinalis sanctæ Prædis
 ex fama rerum, sanctè, pieq; gestarum; magnoq; desiderio
 fruendæ eius suauissimæ consuetudinis tenebatur: & vt fa-
 miliares cum eo de summis rebus conferre sermones liceret,
 exoptabat. de ratione explendæ huius sitis deliberati Duci
 de aliquorum consilio optimum visum est curare, vt sacrum
 Linteum, cuius inuifendi studio Cardinalem ardere accepe-
 rat, Chamberiaco-Augustam Taurinorū transferretur, vbi
 transportatum est. Cardinalis se ad id inuifendum compa-
 ruit: tempusq; in ante v. idus Septēbris, die festo ortus Dux
 Virginis celebrato, itineri faciundo constitutum est. consi-
 lio Cardinalis ad Emanuele Duce perlato, Franciscum
 Linum, qui est à secretis, quiq; eundem locum apud Cardī-
 nalē tenuerat, eiusq; spectata fides, & singularis prudentia
 Cardinali magno vsui fuerat, misit, qui à Cardinale peteret,
 vt hac processione supersederet, quoad Heluetiorum Lega-
 tos dimississet; seq; ppediem de tēporis opportunitate Car-
 dinalem certiores facturum pollicitus est. ea re à Cardinali
 comprobata, non multo post Franciscus Linus cum manda-
 tis de inuitando Cardinali Mediolanum reuersus est. dies
 processioni in ante nonas Octobris dicitur, anno à Christo
 nato 1578. ordo & modus, qui in obeunda peregrinatio-
 ne adhibendus censebatur, præscribit. Decernitur primū,
 vt decima hora è lectulis surgeretur; per vnius horæ & di-
 midia

midiaē spacium corporum commodis inseruiretur. Missę sacrum à sacerdotibus perageretur: à reliquis salutaris Eucharistia, quæ de manu Cardinalis tradenda erat, sumeretur: prima & tertia recitarentur: post inita via eæ preces, quæ ab iter facientibus ex Breuiarij instituto fieri solent, pronuntiarentur: deinde, vt ritè & piè per duas horas spiritu oraretur, intimum & flagrans studium adhiberetur: reliquum temporis, quo iter faciebant, rosarij pronuntiatione consumeretur. id in duos choros diuisi aptè & concinnè præstarent. ab aliquibus mysterij versibus, qui cum denario salutationis angelicę numero, & diei tempore congruerent, ex sodalitate aliquis initium duceret: & vt vt ij. versus ab omnibus exaudirentur, vnus prægredientibus, alter subsequenter illos repeteret. ijs perceptis omnes veluti ex composito ad meditandum idem mysterium mentem appellerent. orationem dominicam quispiam altiori voce ordiretur, eamq; perfectè & dilucidè pronuntiaret: cùm is dicendi finem fecisset, qui proximum teneret locum, idem officium exequere. idem à prægredientibus & subsequenter gereretur. quod etiam in recitanda salutatione angelica seruaretur. si quid temporis superesset, antequàm ad hospitium perueniretur, quod rarò accidit, propterea quòd plurimum temporis in pronuntiando rosario poneretur: id vel huiusmodi, vel alijs obsecrationibus, vel psalmis dicendis traduceretur; & ad singulos versus brevis aliqua explicatio adhibere. cùm ad hospitium ventum esset, ad templum, quod Principem locum teneret, recta pergerent. ibi sexta & nona recitarentur. qui Romano seorsum ab illis, qui Ambrosiano ritu statas officij preces persoluebant, id munus præstarent. recreati cibo, qui semper ex ijs, quibus quadragesimę tempore vescimur, instrueretur, ad templum redirent; statæ preces vespertinę fierent; post iter rursus in-

gre-

grederentur: duę horę in meditationibus, & recitandis septem psalmis, & alijs precationibus, ea qua supra distinximus ratione, ponerentur. cū ad diuersorium accessissent, ad primariam eadem viam flecterent. ibi persolutis cōpletorij precibus, se omnes ad diuersorium reciperent. postquā se quisque ex labore refecisset, corporisq; necessitati consulisset, cibumq; cepisset, eorum, quę in itinere meditati erant, quibusq; orando & contemplando se quisque oblectasset, argumenta conferrent. eo colloquio absoluto, quę postero die contemplanda erant, proponerentur: inde cum suam quisque conscientiam excussisset, tum aqua benedicta aspersus se insuper Cardinalis benedictione munisset, cubitum discederet. tres sententię, in quibus prima die mente ac spiritu versati sunt, ijs euangelij locis continētur, quibus

Mat. 4. domini nostri IESV CHRISTI peregrinatio maxime explicatur. ex ijs prima sic incipit: Et circuibat IESVS totam Galileam docens in synagogis eorum, & prędicans Euangelium regni, & sanans omnem languorem, & omnem infirmitatem in populo. Altera habebat: Iesus autem fatigatus ex itinere sedebat sic supra fontem: tertia: Erāt autem

Ioan. 4. in via ascendentes Hierosolymā, & pręcedebat illos IESVS, & stupebant, & sequentes timebant. Altera die, de Apostolorum peregrinatione in meditationibus agitatum est. hæc itidem ex tribus Euangelij sententijs constabant, quarum

Mat. 10. prima erat: Euntes autem prędicate dicentes, quia appropinquabit regnum cōlorum. Altera Apostolorum partitionem amplectebatur; cū Apostoli in plures partes distributi, in diuersas orbis terrarum prouincias, ex vetere Ecclesię traditione bini missi sunt. Tertia diui Pauli peregrinatio commemorabatur, quę inquit: Ministrantibus autem illis Domino, & ieiunantibus dixit illis Spiritus sanctus: Segregate mihi Paulum & Barnabam, in opus ad quod assumpsi eos.

*Аѳинит
Апостол.
13.*

cos. Tunc ieiunantes, & orantes, imponentesq; eis manus dimiserunt illos. & ipsi quidem missi à Spiritu sancto, abierunt Seleuciam; & inde nauigauerunt Cyprum: & cum venissent Salaminam, prædicabant verbum Dei in synagogis Iudæorum. Tertię diei meditationibus vitam nostram, continentem esse peregrinationem demonstrabatur, quarum prima sententia erat: egredere de terra tua & de cognatione tua, *Gen. 12.* & de domo patris tui, & veni in terram, quam monstraui tibi. Itē illud Pauli habebat: Iuxta fidem defuncti sunt omnes isti, non acceptis repromissionibus, sed à longe eas aspicientes, & salutantes, & confitentes, quia peregrini & hospites sunt super terram: qui enim, & reliqua. altera illum psalmi trigelimi octauī versiculum continebat: quoniam advena ego sum apud te, & peregrinus, sicut omnes patres mei. tertia, illa verba D. Petri, quæ in secunda canonica præscripta *Cap. 2.* sunt, contemplabamur: obsecro vos tanquam aduenas & peregrinos abstinere à carnalibus desiderijs, quæ militant aduersus animam. Postremi diei meditationibus ad rationem venerandi sacri Linteī nos ipsos comparabamus; hæc q; more & instituto nostro, ad triplicem tractationem redigebantur. primum quodnam cultus genus augustissimo illi monumento adhibendum esset, commentati sumus. huic & propter contactum sanctissimi corporis, & quoddā preciosissimi cruoris reliquiæ in eo impressæ essent, supremus cultus, quem latrām appellant, consensu omnium deberi visus est. cū vero causa nostra, in sacro Linteo illa imago expressa esset, ut diuini erga nos amoris sempiternum monumentum extaret; illud secundo cogitaremus Dominum nostrum multo magis optare videri, ut in animarum nostrarum cordibus, eius diuinitatis forma effingeretur: præsertim cū illam imaginem ad hanc referri certò sciremus. cūque toties sanctissima Eucharistia nobis administraretur: dominumq; nostrum in animam

animam nostram tanquam in Linteam acciperemus, culpa nostra fieri putaremus, q̄ viua & expressa imago cruciatus & mortis eius in nobis non relinqueretur. tertio considerabamus, quid & pro se, & pro quibus supplicandum esset, peteremus. Plurimi erant, qui huius peregrinationis studio traherentur. quatuordecim, quos secum adduceret, sibi delegit. ex familiaribus vndecim asciuit. in hunc numerum tres ædis cathedralis Canonici, Ludouicus Moneta, vnus ex seminarij Clericis, duo ex sodalitate nostra ascripti sunt. Franciscus Linus, qui iccirco ab Allobrogum Duce missus fuerat, vt Cardinalis comodis inseruiret, eumq̄ue prosequeretur, vnâ nobiscum semper affuit. Pridie quàm discessuri essemus, qui erat dies dominicus nonis Octobris, post domesticas & quotidianas preces, omnibus Peregrinis, familiaribusq̄; vnum in locum coactis, ex socijs vnus breui sed graui & vehementi sermone, quò peregrinatio illa referenda esset, explicauit. duos enim ad fines eorum laborem potissimum spectare docuit, pietatem nimirum & pœnitentiam: quarum altera sacri Lintei piam & sanctam venerationem, altera acrem & intimum dolorem, & peccatorum detestationem postularet. omnem curam, mentem, cogitationemq̄; adhibendam esse monuit, vt ijs finibus omnia eorum dicta & facta responderent. Hac oratione habita & accepta à Cardinali benedictione conuentus dimissus est. postero die omnes diluculo habitu peregrinantibus decoro ornati Cardinali præstò fuere. statim res diuina à sacerdotibus peracta est; à reliquis de Cardinalis manu, vt præceptum erat, Eucharistia sumpta. Post Missæ sacrum Cardinalis Pontificio ornatu insignis ex pontificalis præscripto cum Peregrinis tum eorum baculis benedictionem impertitus est; ijsq̄; verbis, quæ sacerdotali continentur, vsus suum cuique baculum distribuit. is ritus quòd ex solenni & sanctissima cærimonia,

preci-

precibusq; pietatis plenis constat, plurimum religionis in omnium mentibus excitauit. omnibus rebus sanctè administratis, viam quæ Augustam Taurinorum ferebat, hoc ordine ingressi sunt. Antecedebant peregrini: Ecclesiæ Cathedralis Canonici, reliquiq; sacerdotes subsequerentur; psalmosq; graduales decantabant. cùm ad portam Vercellinam constitissent, Cardinalis deposito solenni habitu breuiorem vestem puniceam, quæ ad medium vsq; cruris pertingebat, & vestem lineam, quam Rochetum appellant, sibi retinuit, baculumq; sumpsit. hoc habitu amictus, singulos Canonicos summa cum charitate complexus est, & pacis osculum dedit. iidem Canonici inter se complexi, inspectante populi magnâ frequentia, quæ, proficiscentes comitabatur, non sine lacrymis digressi sunt. Prima die circiter meridiem Sidrianum, quod passuum millia decem Mediolano aberat, peruenimus. apud parochum diuersati sumus. statim horæ & Litanie recitatæ sunt. inde recreati cibo, Treas contendimus. is vicus frequens & copiosus est. quod vero de nocte eo ventum est, Custos Franciscani cœnobij, quod ab ijs, quos Zocolantes appellant, colitur, cum cœnobij patribus, & loci primoribus ad mille passus obuiam ita prodijt, vt nihil potuerit fieri honoratius. cùm propius vicum accessissemus, multitudo, quæ luminum magnâ vim præferret, sese effudit: magnam pietatem incolæ omnes præ se tulerunt. luminibus, quæ ad fenestras in viam versas, & ad fores protulerant, omnia collucebant. multitudo, pars procurrat in viam ad conspiciendos peregrinos, pars ad ædem, quod Cardinalis iter flexerat, proficisci maturat. matres non solum paruos liberos secum trahunt, sed lactantes illuc rapiunt, vt à Cardinali benedictionem consequantur. more institutoq; nostro, in primaria æde factis precibus, Franciscanum cœnobium, vbi instructum erat hospitium,

K

adi-

adiuimus. tum Cardinalis non accubuit, sed dum alij cœnarent, ipse lectoris officio, summa cum omnium admiratione, eorumq; præcipuè, qui illi assiscebāt, functus est. cum ad cœnæ finem huic muneri alius successisset, ipse comesopomo, vnico vini poculo contentus fuit. Postridie cum in templo primario, quò populi magnus cōcursus factus erat, Missæ sacrum fecisset, sanctamq; Eucharistiam vici primarijs administrasset, & si magnus imber coortus erat; tamen viam ingressi, Nouariam millia passuum ex eo loco quinq; iter conuertimus. inclinato iam in postmeridianum die, hora decimaquarta eò peruentum est. eius vrbs Antistes, quòd podagra laborabat, obuiam egredi non potuit, eius tamen iussu, qui ei à secretis erat, & Vicarius, plurimiq; Canonici occurrerūt. Decuriones itidem certos homines, qui eum inuitarent, obuiam miserunt. Cardinalis urbem ingressus, more suo, ad ædem Cathedralem perrexit. ibi canoris & suauissimis vocibus concinebatur. post factam obsecrationem, etsi Antistes ciuesq; Nouarienses summo studio instarent & vrgerent, vt Cardinalis maneret, imbrisq; continuatio reuocaret, eiusq; vestimenta vuida essent; tamen retineri non potuit. via, qua transibat, maxima multitudine benedictionem à Cardinali exoptantium, & expositantium concelebrata est: neque vllus fuit, qui aut in publicum, aut ad fenestras non prodierit. millia passuū quinque ab ea vrbe progressi Camerianum peruenimus. ibi diuersorium Episcopi sumptu & cura præparatum fuerat. Cardinalis etsi in veste madida fluebat, tamen post adhibitam in templo preces, & recitatas Litanias, cum se cibo recreasset, & igni accenso se calfecisset, vespertinasq; preces more institutoq; suo, in æde persoluisset, eodem habitu, quo venerat, Vercellas, millia passuum ex eo loco quinque, proficisci contendit: eo consilio vt si posset eam urbem præteriret.

teriret . temporis exiguitate consistere coactus . ad mille passus extra urbem, Franciscus Bonhomius Antistes Vercellensis, & Canonici plurimi, vrbisq; primarij obuiam egressi, cum qua decebat reuerentia & humanitate , Cardinalem excepissent , eum prosequi cœperunt . primis fermè tenebris ad Scesiam amnem processimus. à Vercellensibus tanto certamine eò concursum est, vt vltiores fluminis ripæ multitudine hominum complerentur. traiecto amne Cardinalis circumfusus omnis generis hominum turba à comitatu seclusus, urbem petijt. sequentibus nobis magna hominum copia funalibus lumina prætulit. ad portam clerus Cardinali præsto fuit, templumq; Cathedrale adeuntem prosecutus est . interim responsoria quædam miro quodam & vario concentu à seminario clerici decantabantur. post factam obsecrationem, recitatasq; completorij statas preces, reliquæ sanctorum, quæ propalàm in altari maiori expositæ erant; argentoq; tectæ, & magnifico sumptuosoq; ornatu instructæ, seruantium pietatem indicabant, inspectæ sunt. Ibi Federicū Ferreriū Romaniani Marchionē, summū Ducis familiæ præsidem, virum grauissimum & amplissimo loco natū, & alium ex SS. Mauritij & Lazari equestri ordine, qui Ducis nomine Cardinalem cōsalutarent, eiusq; sumptu Augustam vsque Taurinorum perducerent, omnibusq; hospitalibus fungerentur officijs, nacti sumus. postero die mane Vercellis profecti sumus. Antistes, Canoniciq; nonnulli, & Antistitis familiares quidam se comites addidere. Crobam, vbi prandium apparatus fuerat, processimus. is locus in ditione Marchionis Romaniani erat, Vercellisq; millia passuum octo, Allobrogum mēsiōne aberat: (nam singula milliaria altero tanto, quàm nostra fermè sunt longiora.) quoddq; pridie eius diei facultas data non fuerat, qua, quæ meditati eramus, in medium proferrentur; ijs exerci-

rationibus, quæ circumstantes incredibili admiratione affecerunt, quotidianæ lectionis loco, quæ ad eam diem nunquam defuit, vñsumus. eo die sub Vesperum Cilianum labore confecti peruenimus: veriti enim ne nox opprimeret, maximam festinationem adhibueramus. Cardinalis adeò itinere defessus erat, vt incenatus se in lecto collocarit. eam ob causam, quæ vesperi post cenam fieri solebant, exercitationes, in posterum diem dilatæ sunt. postridie exacta vndecima hora cum dimidia, ante lucē prælatis funalibus Ciliano discessum est; recitatisq; itinerarij precibus, superioris diei sententiæ, quas inter nos commentaremur, propositæ sunt. etsi vehementer appropinquatum est: tamē hoc tibi per spectum esse velim, nos cum ijs in contemplationibus animis versaremur, omni lassitudinis sensu caruisse: non solum enim laborem pietas leuabat, sed nouas vires parabat. tredecim millia passuum progressi ad villam, quam Riomartini appellant, peruenimus. Hieronymus Rueres Taurinorum Archiepiscopus cum Canonicorum, & aliorum sacerdotū comitatu, quos Dux ad excipiendum Cardinalem præmiserat, ibi nobis obuius fuit. loco deserto & inculto prandium præbitum est: & quod fellæ Cardinali & Episcopis vix suppetebant, plerique stantes cibum cepere. pransi, vespertinas preces in æde proxima recitauimus: inde iter Augustā Taurinorum direximus. inter eum locū & Augustam Taurinorum passuum millia octo intercedebant. Archiepiscopus; qui vt Ducem de aduentu Cardinalis certiorē faceret, magna celeritate antecesserat, ad mille passus extra urbem obuiam nobis regressus est. paulo post Ducis equitatus omnibus rebus ornatus & instructus occurrit, qui in duas diuisus partes, in medium nos excepit agmen. altera pars antecedebat, altera sequebatur. quò propior vrbs erat, eò magis accessus noster hominum frequentia, qui ad conspici-

cien-

ciendum Cardinalem & Peregrinos prodibant, florebat. ad quingentos passus extra urbem Guidonem Ferrerium Cardinalem Vercellensem, qui Cardinalis nostri aduentum opperiebatur, offendimus. qui benignissimè data, accepta quæ salute pedibus, quod itineris erat reliquum, nobiscum confecit. ad ducentos quinquaginta passus progressis nobis Dux, Carolusq; Princeps filius, & alij insignes viri quam plurimi præstò fuere. Dux humanissimè Cardinalem complexus, omne genus obseruantia & studij in eum benigna oratione, & vultus iucunditate expressit. quàm amplissimos honores tantæ virtuti habendos Dux ante cogitabat: ac propterea tum primum à dextera Cardinalem incedere, & eum primum caput regere, comitèr modestissimeq; compulit. ijs officijs à Duce diligenter sancteq; seruatis, hoc ordine iter ad urbem institutum est. qui Ducis regiam sectabatur, antecedeabant: à lateribus equitatus, sclopetarij; equis impositi, & ij, quibus Ducis custodia credita erat, collocati, vnà proficiscebantur. Cardinalis familiares baculis cœno oblitis instructi, proximi erant, biniq; progrediebantur: Cardinalis & Dux sequebantur: Cardinalis Vercellensis, & Carolus Princeps, deinde alij Antistites, qui ad spectandum sacrum Linteum Augustam Taurinorum conuenerant, postremum tenebant locum. Apostolicus Nuncius non affuit, quòd celerius eius opinione eò peruentum erat. nos quoque cùm Mediolano profecti sumus, serius iter facturos existimauimus. cùm propius accederemus, tormentorum bellicorum sonitu incredibili, quorum nonnullis etiam magnæ glandes conijcebantur, quibusq; alijs maximè effusa lætitia significari solet, excepti sumus. Sclopetarij, quorum magnæ copiae contractæ erant, singulari arte instructi sclopetis admoto igne, sonitu ingenti eandem gratulationem præseulerunt, nosq; in medium agmen receperunt. hoc comitatu

sc-

septus Cardinalis, urbem ingressus est, rectoque itinere ad
 Cathedralem eodem tetendit. ibi, cum preces fecisset, ad re-
 giæ sacellum, ubi sacrum Linteum situm erat, profectus est,
 ibi itidem adhibitis precibus ad hospiciū iter conuertit.
 id non in regia, sed in domicilio regiæ proximo, magnificē-
 tissimè paratum erat. elegantibus iisdem stragulis lectos
 stratos fuisse, eadem sumptuosa suppellectili, iisdem pretio-
 sis aulæis domicilium instructum ferunt, cum Henricus Gal-
 liæ Rex à Pollonia profectus, à Duce hospitio receptus
 est. in eodem loco Cardinalis Vercellensis, cuius domesti-
 co usu & iucunda consuetudine Cardinalis S. Praxedis dele-
 ctaretur, diuersatus est. cum Dux Cardinalem ad cubiculū
 usque profectus esset, quò facilius solus conquiesceret,
 & se ex labore reficeret, discessit. Cardinalis pedibus ex bul-
 lis, quas itineris longitudo & huiusmodi contentionum in-
 suetudo cōtraxerat, laborabat, eoq; morbo præcipue in alte-
 ro calcaneo vrebatur: quē dum medendi studio diligentius
 curant, altius inciderunt. hoc diuino consilio accidisse inter-
 pretabatur, ut tanto in splendore, tanta in altitudine for-
 tunæ & gloriæ, Domini nostri cruciatus animo hererent infi-
 xi. Cardinalis etsi per aliquot dies egre se pedibus sustenta-
 ret: nulla tamen vi morbi deterritus est, quin munia sua obi-
 ret. quinta peregrinationis die, quæ erat sexta feria, in sacel-
 lo ubi sacrum Linteum seruabatur, Cardinalis Missæ sacrum
 confecit, sanctamq; Eucharistiam nonnullis pijs viris admi-
 nistruit. eodem die Dux Cardinalis prandium obijt. in-
 uitusq;, & diu, modestissimeq; recusans tandem medius in-
 ter duos Cardinales accubuit. interim sacrum Linteum ad
 Cathedralem eodem delatum, in chori loco, super magna mē-
 sa explicatum est, veloq; serico nigro tectum. post prandiū,
 cum Cardinalis, eiusq; familiares, & pauci alij ed concessis-
 sent, Archiepiscopus, Canoniciq; pluuiialibus ornati, id dete-
 xerunt,

xerunt, & Cardinali, reliquis que secretò spectandum propo-
fuerunt. primo eius aspectu, me ita commotum esse charita-
ti tuæ fateor, vt, cum Cardinalis mandasset, vt orationis ge-
nere aliquo animos ad venerationem pietatemque conci-
tarē, lacrymis præpeditus, id facere nequierim: studio enim
quodam admirabili, & sanctitate rei, sic obstupueram, vt ne-
que vox, neque oratio, neque lingua consisteret. Linteï exē-
plar olim conspexeram, quod Dux Antonio Guzmano Hi-
spano Marchioni, cui Infubrium gubernatio à Philippo Re-
ge commissa est, miserat: sed tantam dissimilitudinem habe-
bat, quantum mutam hominis imaginem, ab ipsa spirantis
hominis forma differre cognoscimus: tantumque aberat, vt
mihi veram speciem exemplar illud referret, vt eius ipsius
aspectus admiratione quadam incredibili animum & men-
tem meam obruerit. magnam vim lacrymarum profundi-
mus; totoque animo, & singulari pietate haud exiguum tē-
poris spacium ad precandum incubuimus. nonnulli digni
habiti sunt, qui sanguinem, qui ex sanctissimo latere & pe-
dibus manarat, oscularentur. id magno religionis studio exi-
miaque pietate factum est: omnibus denique occasio præ-
bita est, vt sacrum Linteum spectarent, sanctitateque eius frue-
rentur. mox decreto loco repositum est, seq; omnes domū
receperunt. subsequenti Sabbati die, in eodem sacello Car-
dinalis Missæ sacrum confecit; prandiumque ei Carolus Prin-
ceps instruxit. Est Carolus ætate adolescens, sed senili
iudicio, ingenio peracri, flagranti pietate, eximia religione,
prudentia singulari. in omni recto studio præterea versatus
est; sed sacras historias præcipuè callet. cum prandentibus
Machabeorum liber fortè legeretur, non solum eorum res
gestas se memoria tenere demonstravit: sed de ijs ornatè
& copiosè, & summa cum dignitate locutus est. præclaram
& altam indolem tam maturæ virtutis, in illa ætate, non so-
lūm

lūm Cardinalis dilexit, sed etiam admiratus est. Reliquum temporis in deliberando, qua ratione, & quo ordine sacrum Linteum spectandum & venerandum esset, consumptum est; cōstitutumq; , vt postridie, qui erat dies Dominicus, rem diuinam solenni, & pontificali ritu Cardinalis faceret; sermonem de sacri Lintei laudibus haberet; supplicatioque, quæ circumeundo, & Diuorum auxilium implorando fieri solet, decerneretur: tum denique sacrum Linteum spectandum proponeretur. sed quod tam miranda multitudo ex Subalpino agro, ad id visendum confluxit, vt eos ædes Cathedralis capere non posset; magnumque periculum impendere videbatur, si Missæ sacrum ibi fieret, & sacrum Linteum ex suggesto ad id constructo ostenderetur: necessariò consilium cōmutatum est. Ante arcem multorum passuum planities in longitudinem, latitudinemque patet: is locus ad ostendendum sacrum Linteum aptus, idoneusque, consensu omnium iudicatus est: eoque & secreta via, quæ à sacello ad arcem ducit, magna cum pompa delatum: Cardinales enim, primū deinde Taurinorum, Tarantasiensiumque Archiepiscopi, præterea Episcopi Ventiensis, Ticinensis, Vercellensis, Augustensis, Sauonensis, Salutarum, insulis, & pontificalibus insignibus ornati, postremo ædis cathedralis Canonici comitabantur. Dux, Nuncius Apostolicus, Orator Venetus, alijque Principes viri, tum SS. Mauricij, Lazarique equites crucibus, & equestri habitu, qui est longa vestis serica & purpurea, insignes, & ad aspectum decori subsequebantur. referta planitie: repletisque omnibus locis, vnde locus editus, ad id exornatus conspici potest, promiscuæ virorum & mulierum multitudini innumerabili sacrum Linteum spectandum depromptum est. Cardinales, Episcopi que hoc explicatum ter demittebant, & tollebant; idque ad singulas loci partes faciebant. eo viso omnes Diuinam misericordiam im-
plo-

implorantes succlamabant. ubi satis spectatum ab omnibus arbitrati sunt, eodem ordine in Cathedralem ædem id retulerunt; & in suggesto ad hoc exornato. collocarunt, funaliaq; plurima accensa statuerunt. Tum quadraginta horarum supplicatio, quæ decreta fuerat, cœpta est; dieq; & nocte continuata. Horæ diuisæ sunt, singulisq; horis diurnis, nocturnisq;, aliqua siue Sodalitas, siue Parochia, siue Disciplinatorum societas in templo ad supplicandum adesse visa est. non solum societates urbanæ, omniumq; hominum ordines, qui multi & frequentes numerabant, scitè, piè & eleganter id munus executi sunt. suauitateq; & varietate cantus ingentem religionem demonstrarunt: sed ex proximis oppidis, tantus concursus ad supplicationem factus est, ut multitudine virorum & mulierum, tam nocte, quam die ædes referta fuerit. Ordini equestri SS. Mauritij & Lazari negotiū datum est, ut ad singulas horas, binos equites mitteret, q. & continenter orarent, & sacrū Linteū custodirent. Constitutū præterea est, ut singulis horis, de summa sacri Linteï dignitate sermones haberent. Et qd̄ allatū erat hæreticorum ingentem numerū, ex Perusiæ & Lucerniæ vallibus aduētare, qui Cardinalis famæ celebritate adducti, illum videre cupiebāt, vnius diei spaciū supplicationi Dux proferri iussit; captariq; occasionē, qua, qui sermones habebant, præcipuè in hæreticorum errorem & fraudem inueherentur. Cū Cardinalis S. Praxedis, qui ter locutus est, ac alij Episcopi, cæteri q; concionatores, ad comprimendas libidines, accendendosq; ad pietatem animos, & ad restringendas hereses, aptè, ornatè, & copiosè dixerunt; tum Cardinalis Vercellensis, ampla & diuina quadam sententiarum gravitate, & maiestate orationis, ad rerum cœlestium studium, audientium animos non trahere, sed rapere visus est. Antistes autem Vercellensis, cū Catholicorum causam defenderet,

L

hære-

hereticorum errores & fallacias vnicè exagitauit, & turbulentissimi huius temporis caliginem mirificè discussit. flagranti studio, & magnò pietatis ardore in precibus perseveratum est. Dux & Princeps iniunctas precandi horas, sanctè, pieq; obierunt: animaduersumq; est nunquam sacrum Linteum spectandum propositum fuisse, quod bis inter preces fecerunt, quin Dux præ magnitudine quadam pietatis, semper illachrymatus sit; præclarumque exemplum antiquè Principum fidei, & Catholicæ pietatis renouarit. Cùm supplicationis finis instaret, Taurinorum Archiepiscopus doctrina, consilio, & eloquentia excellens, adèd copiosè, eruditè, pieq; concionatus est, vt singularem & diuinam eius vim omnes admirarentur. Antequam sacrum Linteum ad sacellum reportaretur, grauissimus sermo, & ad pietatis exercitationem aptus, accommodatusque à Sanctæ Praxedis Cardinali habitus est. Dum hæc in Cathedrali æde geruntur, Sanctæ Praxedis Cardinalis ad Collegium nostrum, vbi corpora sanctorum martyrum, & eius vrbis ciuium Solutoris, Aduentoris, & Octauij sita sunt, se contulit. ibi Missæ sacrum fecit, & quibusdam pijs viris sacram Eucharistiam, ab eo percipere cupientibus, morem gessit. postridie, qui erat quartæ feriæ dies, sacrum Missæ in sacello, vbi sacrum Linteum reconditum erat, confecit. Ibi Princeps, cum alijs viris clarissimis quamplurimis, sacram Eucharistiam sumpsit, & Cardinalis prandium inijt. sub vesperum rursus sacrum Linteum secretò prolatum est; & quo ordine, primo aduentu inspectum fuerat, eodem Cardinalis, & eius familiares postremò spectarunt. Dux itidem & Princeps aderant: nec minor pietas quàm ante, in omnibus, præcipueq; in Cardinale Sanctæ Praxedis enituit; qui ad pedes sacræ imaginis summo cum studio, humilitateq; proiectus, non prius surrexit, quàm
in

in vſitata ſede collocata eſt. Die proximo, Dux Cardinalis prandium celebrauit: ad duas horas poſt prandium, vnà fue-
re. Cardinalis de rebus diuinis, de animarum ſalute, deq;
optima gubernandi ratione cum Duce egit. eius oratio à
Duce attentè, ſecundisq; auribus audita eſt. Cardinalis co-
mitter, liberaliterq; habitus, & honorificentiffimis officijs
cultus fuerat: Sed cum diſceſſurus eſſet, quanto in honore
fuerit, & quàm magni eius pietas eſtimaretur, illud vnum,
quo omnes obſtupefacti ſunt, indicium fecit, Nam Dux hu-
mi proſtratus, vnà cum Principe, & Amadeo, mananti-
bus lachrymis, infimis precibus benedictionē ſibi, ac liberis
popoſcit. attollenti eos Cardinali, nec iacere patienti,
Dux reſpondit, non prius erecturos ſe ſe, quàm benedictio-
nem impertitus eſſet. Ducis, quemlibet clarorum, piorumq;
regum cum magnitudine animi, tum manſuetudine, & reli-
gione equantis rogationi, Cardinalis ceſſit, ſtudioq; obſe-
cutus eſt. hoc facto, Dux ad Principem filium conuerſus, lin-
gua Gallica primùm, deinde Itala, vt Cardinalis intelli-
get, Cardinalem, inquit, fili tibi patrem aſciſcas, eiq; patrium
honorem tribuas; atque vti parenti obtemperes; eumque
roges, vt te filij loco habere non grauetur. ille, vt erat ob-
ſequentiſſimus, ad Cardinalem conuerſus, parentis man-
data diligenter, obedienterq; perſecutus eſt. Horum Prin-
cipum omnia ſummi amoris, obſequij, obſeruantix in Car-
dinalem officia conſtiterunt: tantaq; pietatis præſtantia,
tantus animi ſplendor in Cardinale perſpectus eſt, vt tota
Ciuitas ad eum intnendum conuerteretur, ſummaq; in eum
ſtudia à populo ſignificarentur. Antequàm diſcederet, eum
Dux rursus inuiſit; proficiſcentem in vehiculum ſuſtulit, &
ongius extra urbem proſecutus eſt. Cardinalis, reliquis
Mediolanum remiſſis, ſex ex familia ſecum retinuit: ijs ad-
hibitis, cum Cardinali Vercellenſi Iauennam, (qui locus, in

dinalis Vercellenſis poteſtate eſt,) ſe contulit. poſtridie ad
 Diui Michaelis cœnobium, cui Cluſe nomen inditum eſt,
 peruenimus. id in monte excello, edita, & prærupta rupe,
 ſumma arte, & mirificis operibus extructū eſt; præclarumq;
 antiquæ Principū Sabaudorū religionis monumentū exi-
 ſtit. maximis opibus ſoret: ſub eiuſq; adminiſtrationē & di-
 tionē, plurima oppida antiqui illi Principes ſubiunxerunt.
 fidei ac patrocinio Cardinalis Vercellēſis cōmendatum eſt.
 plurimis præcioſis reliquijs ſanctorū ornatum ac refertū eſt.
 ibi totum diem conſumpſimus, remq; diuinam magna cum
 religione fecimus. ſubſequenti ſabbati die, lauenna profe-
 cti ſumus, & altero die Varale peruenimus. Varale mons eſt:
 à propinquo vico, & ad radices montis poſito, nomen tra-
 xit. ibi Domini noſtri vitæ, ac crucis myſteria, ſingulari ope-
 re, artificioq; perfectæ ſunt: ſed naſcentis CHRISTI præcipuè,
 horti, ac ſepulchri ſigna, eximia ſunt venuſtate. formam &
 figuram eorum, quæ Hieroſolymis adhuc cernuntur, expri-
 munt. Centum ab hinc annis, Bernardinus Caimus, ordinis
 obſervantium D. Franciſci, vir ſingulari ſanctitate præditus,
 ſumma religione adductus, edito hoc loco, ad ſimilitudinem
 eorum, quæ Hieroſolymis viderat, hæc curauit formanda.
 ijs myſterijs nihil nobilius, nihil quod magis viſendum pu-
 tetur. eò, cum hora vigefima prima peruentum eſſet, à vico
 pedibus in ſummum eualiſmus montem, myſteriaq; inuiſi-
 mus: ex familiaribus aliquiſ ſententias, quas ad ſingula my-
 ſteria meditaremur, pronuntiabat: plus, minusuè, pro myſte-
 rij ratione, in ijs meditationibus verſabamur. altera noctis
 hora, cibi copia facta eſt: ad id enim tempus, ita ieiuni fue-
 ramus, vt nihil proſus guſtaſſemus. in eo ieiunio nos qui-
 dem panem, & vinum, Cardinalis, panem tantum, & aquam
 adhibuit. reſectis cibo viribus, ad myſteriorum contempla-
 tionem reditum eſt. Cardinalis, vno tantum ſocio ſecum re-
 tento

tento, vsque ad nonam horam ibi pernoctauit. tum verò cum socius vim frigoris non sustineret, accenso igne, se calfecerunt, & in sellis vsque ad vndecimam horam sopiti iacuerunt. tum autem experrecti, ad preces redierunt. de obsecrandi studio nihil remissum est, nisi cum tempus præparandi se ad Missæ sacrum affuit. in ijs exercitationibus, post prandium nonnullæ horæ traductæ sunt. Atq, vt quàm magno adiumento Deus huic eius seruo sit, planè intelligas, & si tota hac peregrinatione, è lecto decima hora surgeret, seriusq; se quieti traderet; iterq; vel equo, vel pedibus prima luce ingressus, vsque ad vigesimam tertiam horam interdum ire contenderet; interimq; cibo, & omni quieris genere abstineret: tamen præcipuis corporis viribus semper vigit.

Tum Deum implora, vt sanctum Spiritum in eo foueat, & conseruet; facultatemq; diuinam voluntatem cognoscendi, eiq; obtemperandi largiatur: tum ipse tuo instituto, in precibus, quas ad Deum facis, mei fac, vt memineris.

L A V S D E O.



Registrum.

† Imago Sindonis. A B C D E F G H I K L.

Omnes sunt duerniones.

Errata sic prius emendes.

Diphthongos, & commata, adde, vel deme suis locis.


Pag. 3	linea 5	concurrerunt	lege concurrerint.
Pag. 8	linea 8	Ecclesiastes	lege Ecclesiastæ.
Pag. 13	in margine	Antonius	lege Antoninus.
Pag. 14	linea 6	necesse	lege nec omnino est.
Pag. 16	lin. pen.	Christianissimis	lege Christianissimos.
Pag. 23	linea 15	Camberij	lege Camberium.
	linea pen.	Sindonem	lege Sindonis.
Pag. 28	linea 19	subfannanere	lege subfannauere.
Pag. 29	linea 2	nihil	lege nil.
	linea 6	Eritheis	lege Erythræis.
Pag. 31	linea 6	Idque	lege Idq;.
Pag. 43	linea 8	γῆρας	lege γῆρας.
Pag. 47	in marg.	Ien.	lege Genetis.
	linea 15	Estibus	lege Vestibus.
	linea 19	eum	lege eò.
Pag. 48	linea 5	siue	lege sine
Pag. 49	linea 12	languores	lege langores.
	linea 14	consiliatus	lege conciliatus.
Pag. 52	linea 20	noua arte	lege arte noua.
Pag. 60	linea 30	scindetur	lege cingitur.
Pag. 62	linea 25	dilinerent	lege delinirent.
Pag. 65	linea 23	ommittendum	lege omittendum.
Pag. 68	linea 17	comparuit	lege comparauit.
Pag. 69	linea 12	dele vnum, vt,	
Pag. 75	linea 14	Seminario clerici	lege Seminarij clericis.
	linea 24	fungerentur	lege fungerentur.
Pag. 80	linea 21	Infulis	lege Infulis.




VITAM AGITANT VENTI, MILES QVASI, NAVTAQ. VIVO,
APPARET SIQVIDEM RERVVM NON TERMINVS VNVS .
NIL TAMEN EXTIMEO, NAM COELVM EST VNDIQ. SVRSVM.


213.238

2-3-23P











005646126

